

摘藻堂四庫全書薈要

集部

欽定四庫全書薈要

集部

御定全唐詩卷六十一至六十六



欽定四庫全書薈要卷一萬七千四百六十六

集部

御定全唐詩卷六十一

李嶠

人日侍宴大明宮恩賜綵縷人勝應制

鳳城景色已含韶人日風光倍覺饒桂吐半輪迎此夜

蓂開七葉應今朝魚猜水凍行猶澁鸞喜春熙弄欲嬌

媿奉登高搖彩一作紫翰欣逢御氣上丹霄

奉和初春幸太平公主南莊應制

景龍二年二月十一日

主家山第接雲開天子春遊動地來羽騎參差花外轉

霓旌搖曳一作日邊回還將石溜調琴曲更取峰霞入

酒杯驚輅已辭烏鵲渚簫聲猶繞鳳皇臺

太平公主山亭侍宴應制景龍三年八月十三日

黃金瑞榜絳河隈白玉仙輿紫禁來碧樹青岑雲外聳

朱樓畫閣一作水中開龍舟下瞰鮫人室羽節高臨鳳

女臺遽惜歡娛歌吹晚揮戈更却一作曜靈回

奉和拜洛應制拜洛一作受圖溫洛

七萃鑿興動千年瑞檢開文如龜負出圖似鳳銜來殷  
薦三神享明禋萬國陪周旗黃鳥集漢帷紫雲回日暮  
鈞陳轉清歌上帝臺

奉和幸大薦福寺應制

寺即中  
宗舊宅

雁沼開香域鸚林降綵旃還窺圖鳳宇更坐躍龍川桂  
輦朝羣辟蘭宮列四禪半空銀閣斷分砌寶繩連甘雨  
蘇焦一作  
申譙澤慈雲動沛篇獨慙賢作礪空喜福成田  
奉和幸長安故城未央宮應制

舊宮賢相築新苑聖君來運改城隍變年深棟宇摧後  
池無復水前殿久成灰莫辨祈風觀空傳承露杯宸心  
千載合睿律九韶開今日聯章處猶疑上柏臺

奉和幸望春宮送朔方總管張仁亶

玉塞征驕子金符命老臣三軍張武一作旆萬乘餞行

輪猛氣凌玄朔崇恩降紫宸投醪還結一作士辭第本

一作忘身露下鷹初擊風高雁欲賓方銷塞北侵還靖

漢南塵

奉和幸三會寺應制

寺傳蒼頡造書臺

故臺蒼頡里新邑紫泉居歲在開金寺時來降玉輿龍  
形雖近刹鳥跡尚留書竹是蒸青外池仍點墨餘天文  
光聖草寶思合真如謬奉千齡日欣陪十地初

奉和天樞成宴夷夏羣寮應制

唐新語云長壽中則天徵天下

銅鐵于定鼎門內鑄八稜銅柱高九十尺徑一丈二尺題曰大周萬國述德天樞紀革命之功  
貶唐家之德天樞下置鐵山鐵龍負載獅子麒麟圍繞上有雲蓋蓋上施盤龍以托火珠高一丈圍三尺金彩熒煌光侔日月武三思為文  
朝士獻詩者不可勝紀惟喬詩冠絕當時

轍迹光西嶠動庸紀北燕何如萬方一作國會頌一作諷德

九門前灼灼一作的臨黃道迢迢入紫煙仙盤正下露高

柱欲承天山類叢雲起珠疑大火懸聲流塵作劫業固

海成田帝一作聖澤傾堯酒宸歌掩一作薰舜弦欣逢下

生日還覩一作偶上皇年

皇帝上一作丘禮撫事述懷

配極輝光遠承天顧託隆負圖濟多難脫履歸成功聖  
道昭永錫邕言讓在躬還推萬方重咸仰四門聰恭已



忘自逸因人體至公垂旒滄海晏解網法星空雲散天  
五色春還一作日再中稱觴合纓弁率舞應絲桐凱樂  
深居鎬傳歌盛飲豐小臣濫簪筆無以頌唐風

奉和幸韋嗣立山莊侍宴應制

南洛師臣契東巖王佐居幽情遺紱冕宸眷屬樵漁制  
下峒山蹕恩回灞水輿松門駐旌蓋薜幄引簪裾石磴  
平黃陸煙樓半紫虛雲霞仙路近琴酒俗塵疎喬木千  
齡外懸泉百丈一作餘崖深經鍊藥穴古舊藏書樹宿

搏風烏池潛

一作遊

縱壑魚寧知天子貴尚憶武侯廬

倡婦行

十年倡家婦三秋邊地人紅妝樓上歇白髮隴頭新  
夜風霜苦年年征戍頻山西長落日塞北久無春團扇  
辭恩寵回文贈苦辛胡兵屢攻戰漢使絕和親消息如  
瓶井沈浮似路塵空餘千里月照妾兩眉頻

餞薛大夫護邊

荒隅時未通副相下臨戎授律星芒動分兵月暈空犀

皮擁青橐象齒飾雕弓  
決勝三河勇長驅六郡雄  
登山窺代北屈指計遼東  
佇見燕然上抽毫頌武功

和杜學士旅次淮口阻風

夕吹生寒浦清淮上  
暝潮迎風欲舉權  
觸浪反停橈  
淼漫煙波濶參差林岸遙  
日沈丹氣斂天敞白雲銷  
水雁銜蘆葉沙鷗隱荻苗  
客行殊未已川路幾迢迢

送光祿劉主簿之洛

函谷雙嶠右伊川二陝東  
仙舟宵將隔芳華暫云同  
朋

席餘歡盡文房舊侶空他鄉千里月岐路九秋風背櫂  
嘶班馬分洲叫斷鴻別後青山外相望白雲中

送駱奉禮從軍

玉塞邊烽舉金壇廟略申羽書資銳筆戎幕引英賓劍  
動三軍氣衣飄萬里塵琴尊留別賞風景惜離晨笛梅  
含晚吹營柳帶餘春希君勒石返歌舞入城闈

王屋山第之側雜構小亭暇日與羣公同遊

桂亭依絕巘蘭榭俯回溪綺棟魚鱗出雕甍鳳羽棲引

泉聊漲沼鑿磴且通蹊席上山花落簾前野樹低弋林  
開曙景釣渚發晴霓狎水鷗梁雁臨風聽楚雞復看題  
柳葉彌喜蔭桐圭

奉和杜員外扈從教閱

杪冬嚴殺氣窮紀送頽光薄狩三農隙大閱五戎場菜  
田初起燒蘭野正開防夾岸虹旗轉分朋獸苦張燕弧  
帶曉月吳劍動秋霜原啓前禽路山縈後騎行雲區墜  
日羽星苑斃天狼禮振軍容肅威宣武節揚神心體殷

祝靈兆叶姬祥幸陪仙駕未欣採翰林芳

軍師凱旋自邕州順流舟中

鳴鞞入嶂口汎舸歷川湄尚想江陵陣猶疑下瀨師岸  
回帆影疾風逆鼓聲遲萍葉沾蘭棹林花拂桂旗弓鳴  
蒼隼落劍動白猿悲芳樹吟羌管幽篁入楚詞全軍多  
勝策無戰在明時寄謝山東妙長纓徒自欺

一作期

夏晚九成宮呈同寮

碣館分襄野平臺架射峰英藩信煒煜勝地本從容林

引梧庭鳳泉歸竹沼龍小軒恒共處長坂屬相從野席  
蘭琴奏山堂桂酒釀一枰移晝景六箸盡宵鐘枚藻清  
詞律鄒談耀辯鋒結歡良有裕聯寤媿無庸暫悅丘中  
賞還希物外蹤風煙遠近至魚鳥去來逢月澗橫千丈  
雲崖列萬重樹紅山果熟崖綠水苔濃願以西園柳長  
間北巖松

田假限疾不獲還莊載想田園兼思親友率成

短韻用寫長懷贈杜

一作林

幽素

游宦勞牽網風塵久化衣迹馳東苑路望阻北巖扉及  
此承休告聊將狎遊肥十旬俄委疾三徑且殊歸茂陵  
窅難即靈臺暫可依疲痾旅城寺延想屬郊畿夕夢園  
林是晨瞻邑里非綠疇良已穢清濠曠不追野花何處  
落山月幾秋輝彼美符商政優游絕漢機高情物累遣  
逸氣煙霞飛樂道方無悶懷賢獨有違尊虛舊園酒琴  
靜故人微夏沼蓮初發秋田麥稍稀何當攜手去歲暮  
采芳菲



劉侍讀見和山邸十篇重申此贈

神嶽瑤池圃仙宮玉樹林乘時警天御清暑滌宸襟梁

駕陪玄賞溜庭掩翠岑對巖龍岫出分壑雁一作池深

簷迴松蘿映窗高石鏡臨落泉奔澗響驚吹助猿吟野

氣迷涼燠山花禰古今英藩盛賓侶勝景一作境想招尋

踐徑披蘭葉攀崖引桂陰穆生時泛醴鄒子或調琴雉

翳分場合魚鈎向浦沈朝遊極斜景夕宴待橫參顧已

慙鉛錡叨名齒玳簪暫依朱邸館還暢白雲心丘壑信

多美烟霞得所欽  
寓言攄宿志竊吹簡  
知音獎價踰珍石  
酬文重振金方從  
仁智所攜手濯清  
澗

晚秋喜雨

并序

咸亨元年自四月不雨至于九月王畿之內嘉穀  
不滋君子小人惶惶如也天子慮深求瘼念在責  
躬避寢損膳錄寃弛役牲幣之禮徧于神祇鍾庾  
之貸周于窮乏至誠斯感靈暎有融爰降甘澤大  
拯災亢朝廷公卿相趨動色里閭毗庶謳吟成響

年和俗阜於焉可致撫事形言孰云能已乃詩曰  
積陽躔首夏隆旱屆徂秋炎威振皇服歆景暴神州氣  
滌朝川朗光澄夕照浮草木委林甸禾黍悴原疇國懼  
流金昔人深懸磬憂紫宸兢履薄丹宸念推溝望肅壇  
場祀寃申囹圄囚御車遷玉殿薦菲撤瓊羞濟窘邦儲  
發蠲窮井賦優服閑雲驥屏冗術土龍脩睿感通三極  
天誠貫六幽夏祈良未擬商禱詎為儔穴蟻禎符應山  
蛇毒影收騰雲八際滿飛雨四溟周聚靄籠仙闕連霏

繞畫樓早陂仍積水涸沼更通流晚穗萎還結寒苗瘁  
復抽九農歡歲阜萬寓慶時休野洽如坻詠途喧擊壤  
謳幸聞東李道欣奉北場遊

中秋月二首

盈缺青冥外東風萬古吹何人種丹桂不長出輪枝  
圓魄上寒空皆言四海同安知千里外不有雨兼風

侍宴桃花園詠桃花應制

紀事云張仁亶自朔方入朝中宗于西苑

迎之從臣宴于桃花園嶠等各賦絕句明日宴承慶殿上令宮中善謳者唱之詞既婉媚歌仍

妙絕樂府

號桃花行

歲去無言忽顛顛時來含笑吐氤氳不能擁路

一作權

迷

仙客故欲開蹊待聖君

奉和聖製幸韋嗣立山莊應制

萬騎千官擁帝車八龍三馬訪仙家鳳皇原上開

一作窺

青壁鸚鵡杯中弄紫霞

遊苑遇雪應制

散漫祥雲逐聖回飄颻瑞雪繞天來不能落後爭飛絮

故欲迎前賽早梅

送司馬先生

蓬閣桃源兩處分  
人間海上不相聞  
一朝琴裏悲黃鶴  
何日山頭望白雲

風

解落三秋葉  
能開二月花  
過江千尺浪  
入竹萬竿斜

上清暉閣遇雪

千鍾聖酒御筵披  
六出祥英亂繞枝  
即此神仙對瓊圃

何須轍跡向瑤池

石淙

羽蓋龍旗下絕冥  
蘭除薜幄坐雲扃  
烏和百籟疑調管  
花發千巖似畫屏  
金竈浮煙朝漠漠  
石牀寒水夜泠泠  
自然碧洞窺仙境  
何必丹丘是福庭

御定全唐詩卷六十一



欽定四庫全書薈要卷一萬七千四百六十七

集部

御定全唐詩卷六十二

杜審言

杜審言字必簡襄陽人善五言詩工書翰少與李嶠崔融蘇味道為文章四友擢進士第為隰城尉性矜誕嘗語人曰吾文章合得屈宋作衙官吾之書跡合得王羲之北面累轉洛陽丞坐事貶吉州司戶參軍尋免歸武后召見令賦歡喜詩甚見嘉賞授著作佐郎遷膳部員

外郎神龍中坐交張易之兄弟流峯州尋入為國子監  
主簿修文館直學士卒有文集十卷今編詩一卷

南海亂石山作

漲海積稽天羣山高業地相傳稱亂石圖典失其事懸  
危悉可驚大小都不類乍將雲島極還與星河次上聳  
忽如飛下臨仍欲墜朝暎赭丹紫夜一作魄炯一作青

交

一作魄炯

一作青

翠穹崇霧雨蓄幽隱靈仙閱萬尋挂鶴巢千丈垂猿臂  
昔去景風涉今來姑洗至觀此得詠歌長時想精異

送和西蕃使

使出鳳皇池京師陽春晚聖朝尚邊策詔諭兵戈偃拜  
手明光殿搖心上林苑種落踰青羗關山度赤坂疆場  
及無事雅歌而餐飯寧獨錫和戎更當封定遠

蓬萊三殿侍宴奉敕詠終南山應制

北斗挂城邊南山倚殿前雲標金闕迴樹杪玉堂懸半  
嶺通佳氣中峰繞瑞煙小臣持獻壽長此戴堯天

望春亭侍遊應詔

帝出明光殿天臨太液池堯樽隨步輦舜樂繞行麾萬  
壽禎祥獻三春景物滋小臣同酌海歌頌蒼無為

宿羽亭侍宴應制

步輦千門出離宮二月開風光新柳報宴賞落花催碧

水搖空

一作雲

閣青山繞吹臺聖情留晚興歌管送餘杯

歲夜安樂公主滿月侍宴應制

戚里生昌胤天杯宴重臣畫樓初滿月香殿早迎春睿  
作堯君寶孫謀梁國珍明朝元會日萬壽樂童陳

奉和七夕侍宴兩儀殿應制

一年銜別怨七夕始言歸  
斂淚開星靨微步動雲衣  
天迴兔欲落河曠鵲停飛  
那堪盡此夜復往弄殘機

大酺

永昌元年

聖后乘乾日皇明御歷辰  
紫宮初啓坐蒼壁正臨春  
雷雨垂膏澤金錢贈下人  
詔酺歡賞徧交泰覩惟新

賦得妾薄命

草綠長門掩

一作閉

苔青永巷幽  
寵移新愛奪淚落故情

留啼鳥驚殘夢飛花攪獨愁自憐春色罷團扇復迎秋  
和韋承慶過義陽公主山池五首

野興城中發朝英物外求情懸朱紱望界動赤泉

一作松

遊海燕巢書閣山雞舞畫樓雨餘清晚夏共坐北巖幽

逕轉危峰逼橋回缺岸妨玉泉移酒味石髓換粳香綰

霧青絲

一作條

弱牽風紫蔓長猶言宴樂少別向後池塘

攜琴遶碧沙搖筆弄青霞杜若幽庭草芙蓉曲沼花宴

遊成野客形勝得仙

一作山

家往往留仙步登攀日易斜

攢石當軒倚懸泉度牖飛鹿麋衝妓席鶴子曳童衣園  
果嘗難遍池蓮摘未稀卷簾唯待月應在醉中歸

賞翫期他日高深愛此時池分

一作為

八水背峰作九山

疑地靜魚偏逸人間鳥欲欺青溪留別興更與白雲期

和晉陵陸丞早春遊望

一作章  
應物詩

獨有宦遊人偏驚物候新雲霞出海曙梅柳渡江春淑  
氣催黃鳥晴光轉綠蘋忽聞歌古調歸思欲霑巾

秋夜宴臨津鄭明府宅

行止皆無地招尋獨有君酒中堪累月身外即浮雲露

一作霜

白宵鐘徹風清曉漏聞坐攜餘興往還似未離羣

和康五庭芝望月有懷

明月高秋迴愁人獨夜看暫將弓並曲翻與扇俱團霧

一作露

濯清輝苦風飄素影寒羅衣一此鑒頓使別離難

登襄陽城

旅客三秋至層城四望開楚山橫地出漢水接天回冠  
蓋非新里章華即舊臺習池風景異歸路滿塵埃



旅寓安南

交趾殊風候寒遲暖復催仲冬山果熟正月野花開積  
雨生昏霧輕霜下震雷故鄉踰萬里客思倍從來

春日懷歸

心是傷歸望春歸異往年河山鑿魏闕桑梓憶秦川花  
雜芳園鳥風和綠野煙更懷歡賞地車馬洛橋邊

代張侍御傷美人

二八泉扉掩帷屏寵愛空淚痕消夜燭愁緒亂春風巧

笑人疑在新妝曲未終應憐脂粉氣留著舞衣中

送高郎中北使

北狄願和親東京發使臣馬銜邊地雪衣染異方塵歲  
月催行旅思榮變苦辛歌鐘期重錫拜手落花春

都尉山亭

紫藤縈葛藟綠刺冒薔薇下釣看魚躍採巢畏鳥飛葉  
疎荷已晚枝亞果新肥勝迹都無限只應伴月歸

夏日過鄭七山齋

共有樽中好，言尋谷口來。  
薜蘿山逕入，荷芰水亭開。  
日氣含殘雨，雲陰送晚雷。  
洛陽鐘鼓至，車馬繫遲回。

送崔融

君王行出將，書記遠從征。  
祖帳連河闕，軍麾動洛城。  
旌

旗

一作旗

朝朔氣，笳吹夜邊聲。  
坐覺煙塵掃，秋風古北平。

經行嵐州

北地春光晚，邊城氣候寒。  
往來花不發，新舊雪仍殘。  
水作琴中聽，山疑畫裏看。  
自驚牽遠役，艱險促征鞍。

重九日宴江陰

蟋蟀期歸晚  
茱萸節候新  
降霜青女月  
送酒白衣人  
高興要長壽  
卑棲隔近臣  
龍沙即此地  
舊俗坐為隣

除夜有懷

故節當歌守  
新年把燭迎  
冬氛戀虬箭  
春色候雞鳴  
興盡聞壺覆  
宵闌見斗橫  
還將萬億壽  
更謁九重城

晦日宴遊

日晦隨蕤莢  
春情著杏花  
解紳宜就水  
張幕會連沙  
歌

管風輕度池臺日半斜更看金谷騎爭向石崇家

七夕

白露含明月青霞斷絳河天街七襄轉閣一作闕道二神

過袿服鐙環珮香筵拂綺羅年年今夜盡機杼別情多

守歲侍宴應制

季冬除夜接新年帝子王孫捧御筵宮闕星河低拂樹  
殿廷燈燭上薰天彈弦奏節梅風入對局探鉤柏酒傳  
欲向正元歌萬壽暫留歡賞寄春前

大酺

毘陵震澤九州通  
士女歡娛萬國同  
伐鼓撞鐘驚海上  
新妝袿服照江東  
梅花落處疑殘雪  
柳葉開時任好風  
火德雲官逢道泰  
天長地久屬年豐

春日京中有懷

今年遊寓獨遊秦  
愁思看春不當春  
上林苑裏花徒發  
細柳營前葉漫新  
公子南橋應盡興  
將軍西第幾留賓  
寄語洛城風日道  
明年春色倍還人

扈從出長安應制

分野都畿列時乘六御均京師舊西幸洛道此東巡文

物驅三統聲名

一作明

走百神龍旗縈漏夕鳳輦拂

一作出

鈞陳撫迹地靈古游情皇鑒新山追散馬日水憶釣魚  
人禹食傳中使堯樽遍下臣省方稱國阜問道識風淳  
歲晚天行吉年豐景從親歡娛包歷代宇宙忽疑春

春日江津遊望

旅客搖邊思春江弄晚晴煙銷垂柳弱霧捲落花輕飛

棹乘空下回流向日平鳥啼移幾處蝶舞亂相迎忽歎  
人皆濁隄防水至清谷王常不讓深可戒中盈

泛舟送鄭卿入京

帝坐蓬萊殿恩追社稷臣長安遙向日宗伯正乘春相  
宅開基地傾都送別人行舟縈潒水列戟滿紅塵酒助  
歡娛洽風催景氣新此時光乃命誰為惜無津

度石門山

石門千仞斷迸水落遙空道東懸崖半橋欹絕澗中仰



攀人屢息直下騎纔通泥擁奔地徑雲埋伏獸叢星躔  
牛斗北地脉象牙東開塞隨行變高深觸望同江聲連  
驟雨日氣抱殘虹未改朱明律先含白露風堅貞深不  
憚險澁諒難窮有異登臨賞徒為造化功

贈崔融二十韻

十年俱薄宦萬里各他方雲天斷書札風土異炎涼太  
息幽蘭紫芳歌奇樹黃日疑懷叔度夜似憶真長北使  
從江表

一作左

東歸在洛陽相逢慰疇昔相對叙存亡草

深窮巷毀竹盡故園荒雅節居彌固衰顏余自傷人事

盈虛改交遊寵辱妨雀羅爭去翟鶴髦競一作更尋王思

極歡娛至朋情詎可忘琴樽橫宴席巖谷一作洛卧詞場

連騎追佳賞城中及路傍三川宿雨霽四月晚花芳復

此開懸榻寧唯入後堂興酣鷓鴣舞言洽鳳皇翔高選

俄遷職嚴程已飭裝撫躬銜道義攜手戀輝光玉振先

推美金銘舊所防勿嗟離別易行役共時康

贈蘇味道

北地寒應苦南庭戍未歸邊聲亂羌笛朔氣卷戎衣雨

雪關山暗風霜草木稀胡兵戰欲盡虜騎獵猶肥

一作漢卒

尚重

雁塞何時入龍城幾度圍

一作雲淨妖星落秋深塞馬肥

據鞍雄

劍動插

一作搖

筆羽書飛輿駕還京邑朋遊滿帝畿方期

來獻凱歌舞共春輝

和李大夫嗣真奉使存撫河東

六位乾坤動三微歷數遷謳歌移火德圖讖在金天子

月開階統房星受命年禎符龍馬出寶籙鳳皇傳地即

交風雨都仍卜澗灑明堂唯御極清廟乃尊先不宰神

功運無為

一作私

大象懸八荒平

一作憑

物土四海接人煙

已屬羣生泰猶言至道偏墮書傍問俗旌節近推賢秩  
比司空位官臨御史員雄詞執刀筆直諫罷樓船國有

大臣器朝加小會筵將行備禮樂送別仰神仙城闕周  
京轉關河陝服連稍觀汾水曲俄拍絳臺前姑射聊長  
望平陽遂宛然舜畊餘草木禹鑿舊山川昔出諸侯上

一作靜

無何霸業全中軍歸戰敵外府絕兵權隱隱帝鄉

遠瞻瞻肅命虔西河偃風俗東壁挂星躔井邑粉榆社

陵園松柏田榮光晴

一作朝

掩代佳氣曉

一作晚

侵燕雨霏

一作濡

鴻私滌風行睿旨宣惇發訪疾苦屠釣採貞堅人

樂逢刑措時康洽賞延賜踰秦氏級恩倍漢家錢擁傳

咸翹首稱觴競比肩拜迎彌道路舞詠溢郊鄗殺氣西

衡

一作衝

白窮陰北暝

一作土

玄飛霜遙渡海殘月迴臨邊

緬邈朝廷問周流朔塞旋興來探馬策俊發抱龍泉學

總八千卷文傾三百篇澄清得使者作頌有人焉莫以

崇班閔而云勝託捐偉材何磊落陋質幾翩翩江海寧  
為讓巴渝轉自牽一聞歌聖道助曲荷陶甄

贈蘇綰書記

知君書記本翩翩為許從戎赴朔邊紅粉樓中應計日  
燕支山下莫經年

渡湘江

遲日園林悲昔遊今春花鳥作邊愁獨憐京國人南窻  
不似湘江水北流

戲贈趙使君美人

紅粉青娥映楚雲  
桃花馬上石榴裙  
羅敷獨向東方去  
謾學他家作使君

御定全唐詩卷六十二



欽定四庫全書薈要卷一萬七千四百六十八

集部

御定全唐詩卷六十三

董思恭

董思恭蘇州吳人高宗時官中書舍人初為右史後知  
考功舉坐事流死嶺表所著篇詠為時所重今存詩十  
九首

三婦豔

大婦裁紈素中婦弄明珠小婦多姿態登樓紅粉妝

人且安坐初日漸流光

感懷

野郊愴新別河橋非舊餞慘日映峰沈愁雲隨蓋轉哀  
笳時斷續悲旌乍舒卷望望情何極浪浪淚空泣無復  
昔時人芳春共誰遣

守歲二首

暮景斜芳殿年華麗綺宮寒辭去冬雪暖帶入春風階  
馥舒梅素盤花卷燭紅共歡新故歲迎送一宵中

此首一作

太宗  
詩

歲陰窮暮紀，獻節啟新芳。  
冬盡今宵促，年開明日長。  
冰銷出鏡水，梅散入風香。  
對此歡終宴，傾壺待曙光。

此首一作

太宗詩題  
作除夜

### 昭君怨二首

新年猶尚小，那堪遠聘秦。  
裾衫霑馬汗，眉黛染胡塵。  
舉眼無相識，路逢皆異人。  
唯有梅將李，猶帶故鄉春。

此首一作

董初  
詩

琵琶馬上彈行路曲中難漢月正南遠燕山直

一作極

北

寒髻鬟風拂亂

一作散

眉黛雪霜殘斟酌紅顏改

一作盡

徒

勞握鏡看

一作何勞鏡裏看

詠日

滄海十枝暉懸圃重輪慶舜華發晨楹菱彩翻朝鏡忽  
遇驚風飄自有浮雲映更也人皆仰無待揮戈正

詠月

北堂未安寢西園聊騁望玉戶照羅幃珠軒明綺障別

客長安道思婦高樓上所願君莫違一作遺清風時可訪

詠星

歷歷東井舍昭昭右掖垣雲際龍文出池中鳥色翻流

輝下月路

一作露

墜影入河源方知潁川集別有太丘門

詠風

蕭蕭度閭闔習習下庭闈花蝶自飄舞蘭蕙生光輝相  
鳥正舉翼退鷁已驚飛方從列子御更逐浮雲歸

詠雲

帝鄉白雲起飛蓋上天衢帶月綺羅映從風枝葉敷參  
差過層閣倏忽下蒼梧因風望既遠安得久踟躕

詠雪

天山飛雪度言是落花朝惜哉不我與蕭索從風飄鮮  
潔凌紈素紛糝下枝條良時竟何在坐見容華銷

詠露

夜色凝仙掌晨甘下帝庭不覺九秋至遠向三危零蘆  
渚花初白葵園葉尚青晞陽一灑惠方願益滄溟

詠霧

蒼山寂已暮，翠觀黯將沈。  
終南晨豹隱，巫峽夜猿吟。  
天寒氣不歇，景晦色方深。  
待訪公超市，將予赴華陰。

詠虹

一作虹蜺

春暮萍生早，日落雨飛餘。  
橫彩分長漢，倒色媚清渠。  
梁前朝影出，橋上晚光舒。  
願逐旌旗轉，飄飄侍直廬。

詠桃

一作太宗詩

禁苑春光麗，花蹊幾樹裝。  
綴條深淺色，點露參差光。  
向

日分千笑迎風共一香如何仙嶺側獨秀隱遙芳

詠李

一作太  
宗詩

盤根植瀛渚交幹橫倚天舒華光四海卷葉蔭山川

詠弓

一作太  
宗詩

上弦明月半激箭流星遠落雁帶書驚啼猿映

一作  
應

枝

轉

詠琵琶

一作太  
宗詩

半月無雙影金花有四時摧藏千里態掩抑幾重悲促



節縈紅袖清音滿翠帷  
駛彈風響急緩曲釧聲遲  
空餘闕隴恨因此代相思

### 劉允濟

劉允濟

紀事作元濟字允濟

洛州鞏人少與絳州王勃齊名舉本

州進士累除著作佐郎嘗采摭魯哀公以後至戰國為  
魯後春秋表上之遷左史兼直弘文館垂拱中獻明堂  
賦拜著作郎擢鳳閣舍人中興初坐二張昵狎貶官後  
為脩文館學士卒集十卷今存詩四首

經廬岳回望江州想洛川有作

龜山帝始營龍門禹初鑿出入經變化俯仰憑寥廓未

若茲山功連延竝巫霍東北疏一作流民象西南距坤絡

宏阜自鬱藍高標復迴薄勢入柴桑渚陰開彭蠡壑九

江杳無際七澤紛相錯雲雨散吳會風波騰鄒郢一作鄒郢

跡隨造化久利與乾坤博盼蠻精氣通紛綸潛怪作石

渠忽見踐金房安可託地入天子都巖有仙人藥二門

幾迢遞三宮何儵爚咫尺窮杳冥跬步皆恬漠仙才驚

羽翰幽居靜龍蟻明牧振雄詞棣華殊灼灼盛業匡西

夏深謀覽負禹亳苗雲覆鼎飛絳氣橫川躍佐歷符賢運

人期

一作其

茂天爵禮樂富垂髫詩書成舞勺清輝靖岳

電利器騰霜鏑遊聖挹衢尊鄰畿恭木鐸巖一作仞色

武侯波瀾控文若旋聞刈薪楚遽覩升葵藿稷禹序揆

一作郭郭

圖良平公輔略重地

一作臣

資出守英藩諒求瘼豫

章觀偉材江州訪靈嶠陽岫曉氛氲陰崖暮蕭索潛伏

屢鯨奔雄飛更鷲搏驚獮透煙霞騰猿亂枝格故園有

歸夢他山飛賞

一作非行

樂帝鄉徒可遊  
湟澗終旅泊景

一作

陽

物觀淮海雲霄望  
河洛城闕紫微星  
圖書玄扈

一作青溪

閣神功

一作為

夕粉績元氣猶斟酌  
丞相下南宮將軍趨

北落橫簷竝附蟬  
列鼎俱調鶴四郊  
時迷路五月先投

龕池榭宣瓊管  
風花亂珠箔  
舊遊勞夢寐  
新知無悅樂

天寒欲贈言  
歲暮期交約  
夜琴清玉柱  
秋灰變緹幕  
風

雲動翰林宮  
徵調文籥言  
泉激為浪思  
緒飛成繳  
千里

輝珠璣五采  
含丹牘鐘鼓  
旋驚鷓瑁  
瑜俄抵鵲  
竊價慙

庸怠叨聲逾寂莫長望限南溟居然翳東郭

詠琴

昔在龍門側誰想鳳鳴時雕琢今為器宮商不自持  
巴人緩疎節楚客弄繁絲欲作高張引齟成下調悲

怨情

玉闕芳信斷蘭閨錦字新愁來好一作不自抑念切已會

嘖虛牖風驚夢空牀月厭人歸期倘可促勿度柳園春

見道邊死人

一本別作劉元濟詩  
統籤并入允濟詩內

淒涼徒見日冥冥詎知年魂兮不可問應為直如弦

### 邵大震

邵大震字令遠安陽人與王勃同時詩一首

九日登玄武山旅眺

玄武山在今東蜀高宗時王勃以檄雞文斥出沛王

府既廢客劍南有遊玄武山賦詩盧照鄰為新都尉亦有和作

九月九日望遙空秋水秋天生夕風寒雁一向南去

一作

飛遠游人幾度菊花叢

### 辛常伯

辛常伯駱賓王同時人詩一首

軍中行路難

與駱賓王同作

君不見封狐雄虺自成羣  
憑深負固結妖氛  
玉璽分兵徵惡少  
金壇授律動將軍  
將軍擁麾宣廟略  
戰士橫戈靜夷落  
長驅一息背銅梁  
直指三危登劍閣  
閣道岿峴起戍樓  
劍門遙裔俯靈丘  
邛闕九折無平路  
江水雙源有急流  
征役無期返他鄉  
歲華晚杳杳  
丘陵出蒼蒼  
林薄遠途危  
紫蓋峰路澀  
青泥坂去去  
指哀牢  
行行入不

毛絕壁千里險連山四望高中外分區宇夷夏殊風土  
交趾枕南荒昆彌臨北戶川原饒毒霧谿谷多霖雨行  
潦四時流崩查千歲古漂梗飛蓬不暫安捫蘿引葛陟  
危巖昔時聞道從軍樂今日方知行路難滄江綠水東  
流駛炎州丹徼南中地南中南斗映星河秦關秦塞阻  
煙波三春邊地風光少五月瀘川瘴癘多朝驅疲斥候  
夕息倦樵歌向月鬱繁弱連星轉太阿重義輕生懷一  
顧東伐西征凡幾度夜夜朝朝斑鬢新年年歲歲戎衣



故灞城隅滇池水天涯望轉積地際行無已徒覺炎涼  
節物非不知關山千萬里棄置勿重陳重陳多苦辛且  
悅清笳梅柳曲詎憶芳園桃李人絳節紅旗分日羽丹  
心白刃酬明主但令一被君王知誰憚三邊征戰苦行  
路難歧路幾千端無復歸雲憑短翰空餘望日想長安

御定全唐詩卷六十三

欽定四庫全書薈要卷一萬七千四百六十九

集部

御定全唐詩卷六十四

姚崇

姚崇初名元崇又名元之陝州人貞觀中應下筆成章  
舉授濮州司倉五遷夏官郎中時契丹擾河北軍機填  
委元崇剖析若流則天奇之超遷夏官侍郎尋同鳳閣  
鸞臺平章事  
中宗朝出為刺史睿宗立拜兵部尚書同  
中書門下進中書令後復貶刺史先天中還為尚書知

政事遷紫微令開元中與盧懷慎源乾曜同居宰執崇  
獨當重任明於庶務斷割不滯號稱名相尋薦宋璟自  
代以開府儀同三司罷政仍五日一參入閣供奉集十  
卷今存詩六首

奉和聖製夏日遊石淙山

二室三塗光地險均霜揆日處天中石泉石鏡恒留月  
山鳥山花競逐風周王久謝瑤池賞漢主懸慙玉樹宮  
別有祥煙伴佳氣能隨輕輦共蔥蔥

故洛陽城侍宴應制

遊豫停仙蹕  
登臨對晚晴  
川魚連倒影  
巖鳥應虛聲  
野奏風成曲  
山居雲作纓  
今朝丘壑上  
高興小蓬瀛

春日洛陽城侍宴

南山開寶歷  
北渚對芳蹕  
的歷風梅度  
參差露草低  
堯樽臨上席  
舜樂下前溪  
任重由來醉  
乘酣志轉迷

秋夜望月

明月有餘鑿  
羈人殊未安  
桂含秋樹晚  
波入夜池寒  
灼

灼雲枝淨光草露團所思迷所在長望獨長歎

夜渡江

一作柳中庸詩

夜渚帶浮煙蒼茫晦遠天舟輕不覺動纜急始知牽聽  
草遙尋岸聞香暗識蓮唯看孤帆影常似客心懸

奉和聖製龍池篇

紀事云龍池興慶宮也明皇潛龍之地會要云開元元年

內出祭龍池祭章十六年築壇於興慶宮以仲春月祭之

恭聞帝里生靈沼

一作社

應報明君鼎業新既協翠泉光

寶命還符白水出真人此時舜海潛龍躍此地

一作日

堯

河帶馬巡獨有前池一小雁叨承舊惠入天津

句

扇掩將離曲釵承墮馬鬃

見海錄碎事 又見後張昌宗太平公主山亭侍宴詩

宋璟

宋璟邢州南和人登進士第調上黨尉為監察御史遷鳳閣舍人則天高其才神龍初拜黃門侍郎睿宗朝以吏部尚書同中書門下三品開元初進御史大夫出為睦州刺史徙廣州都督還拜尚書兼侍中封廣平郡公

後以右丞相致仕璟耿介有大節立朝屢忤權嬖被貶黜卒不改其操集十卷今存詩六首

奉和御製璟與張說源乾曜同日上官命宴都

堂賜詩應制

本傳云開元十七年璟為尚書右丞相張說為左丞相源乾曜為太

子少傅同日拜有詔大官設饌太常奏樂會百官尚書省東堂帝賦三傑詩自寫以賜

丞相邦之重非賢諒不居老臣慵

一作庸

且憊何德以當

諸厚秩先為忝崇班復此除太常陳禮樂中掖降尊裾  
聖酒山河潤仙文象緯舒冒恩懷寵錫陳力省空虛郭



隗慙無駿馮煖媿有魚不知周勃者榮幸定何如

奉和聖製同二相已下羣官樂遊園宴

侍飲終酺會承恩續勝遊戴天惟慶幸選地即殊尤北  
向祇雙闕南臨賞一丘曲江新溜暖上苑雜花稠疊疊  
韶弦屢戔戔賁帛周醉歸填畛陌榮耀接軒表

奉和聖製送張說巡邊

帝道薄

一作薄

存兵王師尚有征是關

一作關

司馬法爰命

總戎行畫閣崇威信分麾盛寵榮聚觀方結轍出祖遂

傾城聖酒江河潤天詞象緯明德風邊草偃勝氣朔雲

平宰國推良器為軍挹壯

一作美

聲至和常得體不戰即

亡精以智泉寧竭其徐海自清遊還廟堂坐贈別故人  
情

奉和聖製荅張說扈從南出雀鼠谷

秦地雄西夏并州近北胡禹行山啓路舜在邑為都忽

視

一作見

寒暄隔深思險易殊四時宗伯敘六義宰臣鋪

彼作宮常應星環日每紆盛哉逢

一作隆

道合良以致亨

衢

蒲津迎駕

回鑿下蒲坂飛旆指秦京  
雒上黃雲送關中紫氣迎  
霞朝看馬色月曉聽雞鳴  
防拒連山險長橋壓水平  
省方知化洽察俗覺時清  
天下長無事空餘襟帶名

送蘇尚書赴益州

我望風煙接君行霞雪飛  
園亭若有送楊柳最依依

御定全唐詩卷六十四

欽定四庫全書蒼要卷一萬七千四百七十

集部

御定全唐詩卷六十五

蘇味道

蘇味道趙州樂城人與里人李嶠俱以文翰顯時人謂之蘇李弱冠擢進士第累轉咸陽尉裴行儉引管書記延載中歷鳳閣舍人檢校侍郎證聖元年出為集州刺史俄召拜天官侍郎聖歷初遷鳳閣侍郎同鳳閣鸞臺三品前後居相位數載多識臺閣故事神龍時坐張易

之黨貶省州刺史還為益州長史卒集十五卷今編詩一卷

初春行宮侍

一作

宴應制

得天

溫液吐涓涓  
跳波急應弦  
簪裾承睿賞  
花柳發韶年  
聖酒千鍾洽  
宸章七曜懸  
微臣從此醉  
還似夢鈞天

單于川對雨二首

崇朝邁行雨  
薄晚屯密雲  
綠階起素沫  
竟水聚圓文  
河柳低未舉  
山花落已芬  
清尊久不薦  
淹留遂待君

飛雨欲迎旬，浮雲已送春。  
還從濯枝後，來應洗兵氛。  
合龍祠外聲過鯨，海濱伐那知有屬。  
已見靜邊塵。

正月十五夜

一作  
上元

火樹銀花合，星橋鐵鎖開。  
暗塵隨馬去，明月逐人來。  
遊

伎

一作  
騎

皆穠李行歌盡，落梅金吾不禁夜。  
玉漏莫相

一作

頻催

詠霧

氤氳起洞壑，遙裔匝平時。  
疇乍似含龍劍，還疑映蜃樓。  
拂

林隨雨密度徑帶煙浮方謝公起步終從彥輔遊

詠虹

紆餘帶星渚窈窕架天潯空因壯士見還共美人沈逸

照一作遠勢舍良玉神花藻瑞金獨留長劔彩終一作空負昔

賢一作時心

詠霜

金祇暮律盡玉女暝氛一作氣歸孕冷隨鐘徹飄華逐劔

飛帶日浮寒影乘風進晚一作盡威自有貞筠質寧將庶



一作  
衆 草腓

詠井

玲瓏映玉檻澄澈瀉銀牀流聲集孔雀帶影出羝羊桐  
落秋蛙散桃舒春錦芳帝力終何有機心庶此忘

詠石

濟北甄神貺河西濯一作瑞錦文聲應天池雨影觸岱宗

一作  
山 雲燕歸猶一作真可候羊起自成羣何當握靈髓高

枕絕囂氛

奉和受圖溫洛應制

綠綺膺河檢清壇俯洛濱  
天旋俄制蹕孝享屬嚴禋  
陟配光三祖懷柔洎百神  
霧開中道日雲斂屬車塵  
預奉咸英奏長歌億萬春

使嶺南

一作在廣州

聞崔馬二御史竝拜臺郎

振鷺齊

一作纒

飛日遷鶯遠聽聞明光共待漏清鑿

一作覽

各披雲喜得廊廟舉嗟為臺閣分  
故林懷柏悅

一作梓

新

帷

一作握

阻蘭薰冠去神羊影車迎

一作連

瑞雉羣遠從

一作作

獨

南斗外遙

一作空

仰列星文

贈封御史入臺

故事推三獨茲辰對兩關夕鴉共鳴舞屈草接芳菲盛

府持清

一作提

索殊章動繡衣風連臺閣起霜就簡書飛

凜凜當朝色行行滿路威惟當擊隼去復覩落鵬歸

始背洛城秋郊矚目奉懷臺中諸侍御

薄遊忝霜署直指戒冰心荔浦方南紀蘅臯暫北臨山  
晴關塞斷川暮廣城陰場圃通圭甸溝塍礙石林野童

來拊拾田叟去謳吟蟋蟀秋風起蒹葭晚露深帝城猶  
鬱鬱征傳幾駸駸迴憶披書地勞歌謝所欽

九江口南濟北接蘄春南與潯陽岸

江路一悠哉滔滔九派來遠潭昏似霧前浦沸成雷鱗

介多潛育漁商幾沂泗風搖蜀柿

一作  
葉

下日照楚萍開

近澗溢城曲斜吹蠹澤隈錫龜猶入貢浮獸罷為災津  
吏揮橈疾郵童整傳催歸心詎可問為視落潮迴

和武三思於天中寺尋復禮上人之作

藩戚三雍暇禪居二室隈忽聞從桂苑移步踐花臺敢  
學推多藝高談屬辯才是非寧滯著空有掠嫌猜五行  
一作行 幽機暢三蕃妙鍵開味同甘露灑香似逆風來砌  
古留方石池清辨燒灰人尋鶴洲返月逐虎谿迴企躅  
瞻飛蓋攀遊想渡杯願陪為善樂從此去塵埃

嵩山石淙侍宴應制

瑀輿藻衛擁千官仙洞靈谿訪九丹隱暖源花迷近路  
參差嶺竹掃危壇重崖對聳霞文駭瀑水交飛雨氣寒

天洛宸襟有餘興  
裴回周覽駐歸鑿

御定全唐詩卷六十五

欽定四庫全書薈要卷一萬七千四百七十一

集部

御定全唐詩卷六十六

郭震

郭震字元振魏州貴鄉人以字顯少有大志十八舉進士為通泉尉任俠使氣撥去小節嘗盜鑄及掠賣部中口千餘以餉遺賓客武后召欲詰既與語奇之索所為文章上寶劔篇后覽嘉歎授右武衛鎧曹參軍進奉宸監丞久之拜涼州都督中宗神龍中遷左驍衛將軍安

西大都護睿宗立召為太僕卿景雲二年進同中書門  
下三品先天元年為朔方軍大總管明年以兵部尚書  
復同中書門下三品封代國公明皇講武驪山以軍容  
不整流新州開元元年起為饒州司馬道病卒集二十  
卷今編詩一卷

古劍篇

一作寶劍篇

君不見昆吾鐵冶飛炎煙紅光紫氣俱赫然良工鍛鍊  
凡一作經幾年鑄得寶劍名龍泉龍泉顏色如霜雪良工



咨嗟歎奇絕琉璃玉匣吐蓮花錯鏤金環映一作生明月

正逢天下無風塵幸得周一作用防君子身精光黯黯青

蛇色文章片片綠龜鱗非直結交游俠子亦曾一作常親

近英雄人何言中路遭棄捐零落漂一作飄淪古獄邊雖

復塵埋無所用猶能夜夜吼衝天

### 塞上

塞外虜塵飛頻年出武威死生隨玉劍辛苦向金微久

戍人將一作編老長征馬不肥仍聞酒泉郡已合數重圍

寄劉校書

俗吏三年何足論，每將榮辱在朝昏。  
才微易向風塵老，身賤難酬知己恩。  
御苑殘鶯啼落日，黃山細雨濕歸軒。  
迴首一作漢家丞相府，昨來誰得掃重門。

同徐員外除太子舍人寓直之作

太子擅元良，宮臣命偉長。  
除榮辭會府，直宿總書坊。  
露濕幽巖桂，風吹便坐桑。  
閣連雲一色，池帶月重光。  
葉死蘭無氣，荷枯水不香。  
遙聞秋興作，言是晉中郎。

春江曲

江水春沈沈，上有雙竹林。竹葉壞水色，郎亦壞人心。

王昭君三首

自嫁單于國，長銜漢掖悲。容顏日憔悴，有甚畫圖時。

厭踐冰霜域，嗟為邊塞人。思從漢一作漢南獵，一見漢家

塵。

聞有南河信

一作聞道河南使

傳言殺畫師，始知君念

一作忠

重

更肯惜

一作遣畫

蛾眉

子夜四時歌六首

春歌

陌頭楊柳枝已被春風吹妾心正斷絕君懷那得知  
青樓含日光綠池起風色贈子同心花殷勤此何極

秋歌

邀歡空佇立望美頻迴顧何時復採菱江中密相遇  
辟惡茱萸囊延年菊花酒與子結綢繆丹心此何有

冬歌

北極巖氣昇南至溫風謝調絲競短歌拂枕憐長夜

帷橫雙翡翠被卷兩鴛鴦婉

一作嬌

態不自得宛轉君王

牀

二月樂遊詩

二月芳遊始開軒望曉池  
綠蘭日吐葉紅蕖向盈枝  
柳色行將改君心幸莫移  
陽春遽多意唯願兩人知

十月樂遊詩

十月嚴陰盛霜氣下玉臺  
羅衣羞自解綺帳待君開  
銀

箭更籌緩金爐香氣來愁仍夜未幾已使炭成灰

螢

秋風凜凜月依依飛過高梧影裏時暗處若教同衆類  
世間爭得有人知

蛩

愁殺離家未達人一聲聲到枕前聞苦吟莫向朱門裏  
滿耳笙歌不聽君

雲

聚散虛空去復還野人閒處倚筇看  
不知身是一作無  
根物蔽月遮星作萬端

野井

縱無汲引味清澄冷浸寒空月一輪  
鑿處若教當要路  
為君常濟往來人

米囊花

開花空道勝于草結實何曾濟得民  
却笑野田禾與黍  
不聞弦管過青春


惜花

艷拂衣襟  
綈拂杯  
遶枝閒  
共蝶徘徊  
春風滿目  
還惆悵  
半欲離披  
半未開

蓮花

臉膩香薰  
似有情  
世間何物  
比輕盈  
湘妃雨後  
來池看  
碧玉盤中  
弄水晶





總校官庶吉士 臣 張能照

校對官檢討 臣 龔大萬

謄錄監生 臣 張元輯

謄錄監生 臣 南光普

欽定四庫全書薈要

集部

御定全唐詩卷六十七至七十三



欽定四庫全書薈要卷一萬七千四百七十二

集部

御定全唐詩卷六十七

田遊巖

世游巖  
山築室許由廟東自號許由東鄰調露中高宗遊嵩

山親至其門遊巖山衣田冠出拜帝令左右扶止之謂  
曰先生養道山中比得佳否對曰臣泉石膏肓煙霞痼  
疾既逢聖代幸得逍遙救乘傳赴都授崇文館學士進

太子洗馬垂拱中坐與襄炎善放還山蠶衣耕食不交  
當世惟與韓法昭宋之間為方外友詩一首

宏農清巖曲有磐石可坐宋十一每拂拭待余  
寄詩贈之

信彼稱靈石居然狎遁棲  
襄回承翠嶽斌駁帶深谿  
夕陰起層岫清景半虹霓  
風來應嘯阮波動可琴嵇  
僕也潁陽客望彼空思齊  
儻見山人至簪蒿且杖藜

王無競

王無競字仲烈東萊人氣豪縱舉下筆成章科初授縣尉累遷殿中御史預脩三教珠英神龍初出為蘇州司馬後坐交張易之等再貶嶺南詩五首

和宋之問下

一作嵩

山歌

日云暮兮下嵩山路連綿兮樹

一作松

石間出谷口兮見

明月心衰回兮不能還

北使長城

秦世築長城長城無極已暴兵四十萬興工九千里死

人如亂麻白骨相撐委殫弊未云悟窮毒宜知止胡塵  
未北滅楚兵遽東起六國復噐噐兩龍鬪鬻鬻卯金竟  
握讖反壁俄淪祀仁義寢邦國狙暴行終始一旦咸陽  
宮翻為漢朝市

鳳臺曲

鳳臺何逶迤嬴女管參差一旦綵雲至身去無還期遺  
曲此臺上世人多學吹一吹一落淚至今憐玉姿

銅雀臺

北登銅雀上西望青松郭  
總帳空蒼蒼陵田紛漠漠  
平生事已變歌吹宛猶昨  
長袖拂玉塵遺情結羅幕  
妾怨在朝露君恩豈中薄  
高臺奏曲終曲終淚橫落

巫山

一作宋之問詩

神女向高唐巫山下夕陽  
衰回行作雨婉孌逐荆王  
電影江前落雷聲峽外長  
朝一作霧雲無處所臺館曉蒼蒼

賈曾

賈曾河南洛陽人以孝聞  
景雲中吏部員外郎明皇在

東宮盛擇宮寮以曾為太子舍人直言啓諫特授中書  
舍人以父名忠固辭拜諫議大夫開元中復拜中書議  
者以為曹司嫌名乃就職與蘇晉同掌制誥時號蘇賈  
詩五首

和宋之問下山歌

良遊晚晚兮月星光

一作  
成紅

錦路逶迤兮山路長王孫不

留兮歲將晏嵩巖仙草兮為誰芳

孝和皇帝輓歌



新命千齡啓鴻圖累聖餘天行應潛蹤一作帝出受圖

書禮若傳堯舊功疑復夏初夢遊長不返何國是華胥

奉和春日出苑矚目應令

時為太子舍人  
使在東都作

銅龍

一作  
彤闌

曉闌問安迴金輅春遊博望開渭北

一作  
水

晴

光搖草樹終南佳氣入樓臺招賢已得

一作  
從

商山老託

乘還徵鄴下才臣在東周獨留滯忻逢

一作  
叨承

睿藻日邊

來

有所思

洛陽城東桃李花飛來飛去落誰家幽閨女兒愛顏色  
坐見落花長歎息今歲花開君不待明年花開復誰在  
故人不共洛陽東今來空對落花風年年歲歲花相似  
歲歲年年人不同

祭汾陰樂章

蠲我漸饒潔我膋薌有豆孔碩為羞既臧至誠無昧精  
意惟芳神其醉止欣欣樂康

李夔

李夔武后時為汴州司戶詩一首

使至汴州喜逢宋之問

一無使  
至二字

阮籍蓬池上孤韻竹林才巨源從吏道正擁使車來相逢且交臂相命且銜杯醉後長歌畢餘聲繞吹臺

崔玄童

崔玄童景雲時人詩一首

祭汾陰樂章

聿修嚴配展事禋宗祥符寶鼎禮備黃琮祝詞以信明

德惟聰介茲景福永永無窮

何鸞

何鸞景雲時人詩一首

祭汾陰樂章

樂奏云闕禮章載虔禋宗於地昭假於天惟馨薦矣既  
醉歆焉神之降福永永萬年

蔣挺

蔣挺景雲時人詩一首

祭汾陰樂章

維歲之吉維辰之良聖君紱冕肅事壇場大禮已備大  
樂斯張神其醉止降福無疆

御定全唐詩卷六十七

欽定四庫全書薈要卷一萬七千四百七十三

集部

御定全唐詩卷六十八

崔融

崔融字安成齊州全節人擢八科高第補宮門丞遷崇文館學士中宗為太子時融為侍讀典東朝章疏長安中授著作佐郎遷右史進鳳閣舍人坐附張易之兄弟貶棗州刺史尋召拜國子司業融為文華婉典麗朝廷諸大手筆多手敕委之卒謚曰文集六十卷今編詩一

卷

關山月

月生西海上氣逐邊風壯萬里度

一作照

關山蒼茫非一

狀漢兵開郡國胡馬窺亭障夜夜聞悲笳征人起南望

擬古

飲馬臨濁河濁河深不測河水日東注河源乃西極思  
君正如此誰為生羽翼日夕大川陰雲霞千里色所思  
在何處宛在機中織離夢當有魂愁容定無力夙齡負



奇志中夜三

一作多

歎息拔劍斬長榆彎弓射小棘班張

固非擬衛霍行可即寄謝閨中人努力加飧食

西征軍行遇風

北風卷塵沙左右不相識颯颯吹萬里昏昏同一色馬

煩莫敢進人急

一作急

未遑食草木春更悲天景晝相匿

夙齡慕忠義

一作勇

雅尚存孤直覽史懷沒驕讀詩歎孔

棘及茲戎旅地忝從書記職兵氣騰北荒軍聲振

一作重

西極坐覺威靈遠行看氛祲息愚臣何以報倚馬申微

力

塞垣行

一作崔  
況詩

疾風捲溟海萬里揚沙礫仰望不見天昏昏竟朝夕是  
時軍兩進東拒復西敵蔽山張旗鼓間道潛鋒鏑精騎  
突曉圍奇兵襲暗壁十月邊塞寒四山互陰積雨雪鴈  
南飛風塵景西迫昔我事討論未嘗怠經籍一朝棄筆  
硯十年操矛戟豈要黃河誓須勒燕山石可嗟牧羊臣  
海外久為客

登東陽沈隱侯八詠樓

第三句  
缺一字

旦登西北樓樓峻石墉厚宛生長定  
俯壓三江口排  
階衝鳥衡交疏過牛斗左右會稽鎮出入具區藪越巖  
森其前浙江漫其後此地實東陽由來山水鄉隱侯有  
遺詠落簡尚餘芳具物昔未改斯人今已亡粵余忝藩  
左東髮事文場悵不見夫子神期遙相望

從軍行

穹廬雜種亂金方武將神兵下玉堂天子旌旗過細柳

匈奴運數盡枯楊關頭落月橫西嶺塞下凝雲斷北荒  
漠漠邊塵飛衆鳥昏昏朔氣聚羣羊依稀蜀杖迷新竹  
髣髴胡牀識故桑臨海舊來聞驃騎尋河本自有中郎  
坐看戰壁為平土近待軍營作破羌

和宋之問寒食題黃梅臨江驛

春分自淮北寒食渡江南忽見潯陽水疑是宋家潭明  
主闔難叫孤臣逐未堪遙思故園陌桃李正酣酣

留別杜審言并呈洛中舊遊

斑鬢今為別紅顏  
昨共遊年年春不待  
處處酒相留駐  
馬西橋上回車南陌頭  
故人從此隔風月坐悠悠

詠寶劍

寶劍出昆吾  
龜龍夾采珠  
五精初獻術  
千戶競淪

一作論

都匣氣衝牛斗山  
形轉輓轡欲知天下貴  
持此問

一作謝

風胡

吳中好風景

洛渚問吳潮  
吳門想洛橋  
夕煙楊柳岸  
春水木蘭棹  
城

邑高樓近星依北斗遙無因生羽翼輕舉託還颺

則天皇后挽歌二首

宵陳虛禁夜夕臨空山陰日月昏尺景天地慘何心紫  
殿金鋪澀黃陵玉座深鏡奩長不啓聖主淚霑巾

前殿臨朝罷長陵合葬歸山川不可望文物盡成非陰  
月靈中道軒星落太微空餘天子孝松上景雲飛

戶部尚書崔公挽歌

八座圖書委三臺章奏盈舉杯常有勸曳履忽無聲市

若荊州罷池如薛縣平空餘濟南

一作南

劔天子署高名

韋長史挽詞

日落桑榆下寒生松柏中冥冥多苦霧切切有悲風京

兆新阡闕

一作潤  
一作合

扶陽甲第空郭門從此去荊棘漸蒙

籠

和梁王衆傳張光祿是王子晉後身

聞有冲天客披雲下帝畿三年上賓去千載忽來歸昔

偶

一作遇

浮丘伯今同丁令威中郎才貌是桂

一作藏

史姓

名非祇召趨龍闕承恩拜虎闈丹成金鼎獻酒至玉杯

揮天仗分旄節朝容間羽衣舊壇

一作官

何處所新廟坐

光輝漢主存仙要淮南愛道機朝朝緱氏鶴長向洛城  
飛

哭蔣詹事儼

江上有長離從容盛羽儀一鳴百獸舞一舉羣一作鳥

隨應我聖明代巢君阿閣垂鉤陳侍帷宸環衛奉旌麾

雅量滄海納完才廟廊施養親光孝道事主竭忠規貞



節旣已固殊榮良不訾朝遊雲漢省夕宴芙蓉池汲黯言  
當直陳平智本奇功成喜身退時往惜年馳鎮國山基  
毀中天柱石顏將軍空有頌刺史獨留碑蕪漫藏書壁  
荒涼懸劔枝昔余叅下位數載忝牽羈置榻恩逾重迎  
門禮自卑竹林常接興黍谷每逢吹逸翰金相發清談  
玉柄揮不輕文舉少深歎子雲疲遺愛猶如在殘編尚  
可窺卽今流水曲何處俗人知

嵩山石淙侍宴應制

洞口仙巖類削成，泉香石冷畫含清。  
龍旗畫月中天下，鳳管披雲此地迎。  
樹作帷屏陽景翳，芝如宮闕夏涼生。  
今朝出豫臨懸圃，明日陪遊向赤城。

塞上

一作北

寄內

旅魂驚塞北，歸望斷河西。  
春風若可寄，暫為遶蘭閨。

御定全唐詩卷六十八

欽定四庫全書蒼齋要卷一萬七千四百七十四

其部

御定全唐詩卷六十九

閻朝隱

閻朝隱字友倩趙州樂城人連中進士孝弟廉讓科性滑稽屬辭奇詭為武后所賞累遷給事中預脩三教珠英聖歷中轉麟臺少監坐附張易之徙嶺外景龍時還為著作郎先天中除祕書少監後貶通州別駕詩十三首

侍從途中口號應制

疵賤出山東忠貞任土風因敷河朔藻得奉洛陽宮一  
顧侍御史再顧給事中常願粉肌骨特荅造化功

奉和聖製夏日遊石淙山

金臺隱隱陵黃道玉輦亭亭下絳霄千種岡巒千種樹  
一重巖壑一重雲花落風吹紅的壁藤垂日晃綠葢葢  
五百里內賢人聚願陪閭闔侍天文

鸚鵡貓兒篇

并序

鸚鵡慧鳥也猫不仁獸也飛翔其骨馬啣啄其頤  
馬攀之緣之蹈之履之弄之藉之踏踏然此為自  
得彼亦以為自得畏者無所起其畏忍者無所行  
其忍抑血屬舊故之不若臣叨踐太子舍人朝暮  
侍從預見其事聖上方以禮樂文章為功業朝野  
歡娛強梁充斥之輩願為臣妾稽顙闕下者日萬  
計尋而天下一統寶以為惠可以伏不惠仁可以  
伏不仁亦太平非常之明證事恐久遠風雅所缺

再拜稽首為之篇

霹靂引豐隆鳴猛獸噫氣蛇吼聲鸚鵡鳥同資造化兮  
殊粹精鷓鴣毛翡翠翼鷓鴣延頸鷓鴣雞弄色鸚鵡鳥同  
稟陰陽兮異埏埴彼何為兮隱隱振振此何為兮綠衣  
翠襟彼何為兮窘窘蠢蠢此何為兮好貌好音彷彿兮  
徉徉似妖姬躑步兮動羅裳趨趨兮踏踏若處子迴眸  
兮登玉堂爰有獸也安其足臂其脇距其胸與之放曠  
浪浪兮從從容容鉤爪鋸牙也宵行晝伏無以當遇之

兮忘味搏擊騰擲也朝飛暮噪無以拒逢之兮屏氣由  
是言之貪殘薄則智慧作貪殘臨之兮不復攬由是言  
之智慧周則貪殘囚智慧犯之兮不復憂菲形陋質雖  
賤微皇王顧遇長光輝離宮別館臨朝市妙舞絲弦雜  
宮徵嘉喜堂前景福內合一作和歡殿上明光裏雲母屏  
風文彩合流蘇斗帳香煙起承恩宴盼接宴喜高視七  
頭金駱駝平懷五尺銅獅子國有君兮國有臣君為主  
兮臣為賓朝有賢兮朝有德賢為君兮德為飾千年萬

歲分心轉憶

三日曲水侍宴應制

三日重三日千春續萬春聖澤如東海天文似北辰荷  
葉珠盤淨蓮花寶蓋新陛下制萬國臣作水心人

奉和九日幸臨渭亭登高應制得筵字

九九侍神仙高高坐半天文章二曜動氣色五星連  
簪絨趨皇極笙歌接御筵願因茱萸酒相守百千年

奉和送金城公主適西蕃應制



甥舅重親地君臣厚義鄉  
還將貴公主嫁與擣檀

一作  
擣檀

王鹵簿山河

一作  
川

暗

一作  
調

琵琶

一作  
胡

道路長迴瞻父母

國日出在東方

奉和立春遊苑迎春應制

管籥周移窠極裏乘輿望幸斗城闌  
草根未結青絲縷  
蘿蒿猶垂綠帔巾  
鵲入巢中言改歲  
燕銜書上道宜新  
願得長繩繫取日光臨  
天子萬年春

奉和聖製春日幸望春宮應制

句芒人面乘兩一作兩乘龍道是春神衛九重綵勝年年逢

七日醪醑歲歲滿千鍾宮梅問雪祥光遍城柳含煙淑

一作瑞氣濃醉倒君前情未盡願因歌舞自為容

夜宴安樂公主新宅

鳳皇鳴舞樂昌年蠟炬開花夜管弦半醉徐擊珊瑚樹

已聞鐘漏曉聲傳

錢唐永昌

洛陽難理若琴絲椎破連環定不疑鸚鵡休言秦地樂

一作烏道  
長安樂

回頭

一作首

一顧一相思

### 明月歌

梅花雪白柳葉黃  
雲霧四起月蒼蒼  
箭水泠泠刻漏長  
揮玉指拂羅裳  
為君一奏楚明光

### 采蓮女

采蓮女采蓮舟  
春日春江碧水流  
蓮衣承玉釧  
蓮刺罥銀鈎  
薄暮斂容歌一曲  
氤氳香氣滿汀洲

### 奉和登驪山應制

龍行踏絳氣天半語相聞混沌疑初判洪荒若始分

韋元旦

韋元旦京兆萬年人擢進士第補東阿尉遷左臺監察御史與張易之為姻屬易之敗貶感義尉後復進用終中書舍人詩十首

奉和九日幸臨渭亭登高應制得月字

雲物開千里天行乘九月絳言丹鳳池旃轉蒼龍闕滿水歡娛地秦京游俠窟欣承解慍詞聖酒黃花發

奉和送金城公主適西蕃應制

柔遠安夷俗和親重漢年軍容旌節送國命錦車傳琴  
曲悲千里簫聲戀九天唯應西海月來就掌珠圓

餞唐州高使君赴任

桐栢膺新命芝蘭惜舊遊鳴臯夜鶴在遷木早鶯求傳  
擁淮源路尊空瀟水流落花紛送遠春色引離憂

早朝

震維芳月季宸極衆星尊珮玉朝三陞鳴珂度

一作  
過九

門挈壺分早漏，伏檻耀初暎。北倚蒼龍闕，西臨紫鳳垣。

詞庭草欲奏

一作雖視

溫室樹無言，鱗翰空為忝。長懷聖主

恩

奉和立春游苑迎春應制

灞浹長安恒

一作常

近日殷正臘，月早迎新池。魚戲葉仍

含凍，宮女裁花已作春。向苑雲疑承翠幄，入林風若起青蘋。年年斗柄東無限，願挹瓊觴壽北辰。

奉和聖製春日幸望春宮應制

九重樓閣半山霞

一作針

四望韶陽春未賒  
侍蹕妍歌臨

灞浹留觴豔舞出京華  
危竿

一作竿

競拊中街日戲馬

一作

鳥

爭銜上苑花  
景色歡娛長若此  
承恩不醉不還家

奉和人日宴大明宮恩賜綵縷人勝應制

鸞鳳旌旗拂曉

一作曉夕

陳魚龍角觝大明辰

一作辰

青韶既

肇人為日綺勝初成  
日作人聖藻凌雲裁  
栢賦仙歌促宴摘梅春垂旒  
一慶宜年酒朝野俱歡薦壽新

奉和幸安樂公主山莊應制

銀河南渚帝城隅，帝輦平明出九衢。  
刻鳳蟠螭凌桂邸。

穿池疊

一作構

石寫蓬壺瓊簫暫下鈞，天樂綺綴長懸明。

月珠仙榜承恩爭，既醉方知朝野更歡娛。

興慶池侍宴應制

滄池漭沆帝城邊，殊勝昆明鑿漢年。  
夾岸旌旗疏輦

一作

遠

道中流簫鼓振樓船，雲峰四起迎宸幄。  
水

一作窈

樹千

重入御筵宴樂已，深魚藻詠承恩更。  
欲奏甘泉

夜宴安樂公主宅



主第新成銀作榜，賓筵廣宴玉為樓。  
壺觴既卜仙人夜，歌舞宜停織女秋。

邵昇

邵昇中宗時人詩一首

奉和初春幸

一 下有  
臨字

太平公主南莊應制

沁園佳麗奪蓬瀛，翠壁紅泉繞上京。  
二聖忽從鸞殿幸，雙仙正下鳳樓迎。  
花含步輦空間出，樹雜帷宮畫裡行。  
無路乘槎窺漢渚，徒知訪卜就君平。

唐遠愜

唐遠愜中宗時人詩一首

奉和送金城公主適西蕃應制

皇恩曠下人割愛遠和親  
少女風遊兪姮娥月去秦  
龍笛迎金榜驪歌送錦輪  
那堪桃李色移向虜庭春

御定全唐詩卷六十九

欽定四庫全書薈要卷一萬七千四百七十五

某部

御定全唐詩卷七十

李適

李適字子至京兆萬年人擢進士第調猗氏尉武后時預修三教珠英遷戶部員外郎兼修書學士景龍初擢修文館學士睿宗朝終工部侍郎詩一卷

汾陰后土祠作

昔予讀舊史遍觀漢世君武皇寶稽古建茲百代勲號

令垂懋典舊經備闕文南巡歷九嶷舳艫被江濱勒兵  
十八萬旌旗何紛紛朅來茂陵下英聲不復聞我行歲  
方晏極望山河分神光終冥漠鼎氣獨氛氲攬涕步睢  
上登高見彼汾雄圖今安在飛飛有白雲

答宋十一崖口五渡見贈

聞君訪遠山躋險造幽絕眇然青雲境觀奇彌年月登  
嶺亦沂溪孤舟事沿越崿嶂傳彩翠崖磴互欹缺石林  
上攢藂金澗下明滅捫壁窺丹井梯苔瞰乳穴忽枉巖

中贈對翫未嘗輟殷勤獨徃事委曲鍊藥說邀余名山  
期從爾泛海滢歲晏秉宿心斯言非徒設

餞許州宋司馬赴任

昔吾遊箕山竭來涉潁水復有許由廟迢迢白雲裏聞  
君佐繁昌臨風悵懷此儻列平輿泉寄謝干將里

奉和聖製九日侍宴應制得高字

禁苑秋光入宸遊霽色高萸房頌綵筍菊榮薦香醪後  
騎縈堤柳前旌拂御桃玉枚俱得從淺淺愧飛毫

遊禁苑幸臨渭亭遇雪應制

長樂喜春歸披香瑞

一作愛

雪霏花從銀閣度絮繞玉窗

飛寫曜銜天藻呈祥拂御衣上林紛可望無處不光輝

奉和九日登慈恩寺浮圖應制

鳳輦乘朝霽鸚林對晚秋天文貝葉寫聖澤菊花浮塔  
似神功造龕疑佛影留幸陪清漢蹕欣奉淨居遊

侍宴長寧公主東莊應制

鳳樓紆睿幸龍舸暢宸襟歌舞平陽第園亭沁水林山

花添聖酒澗竹繞熏琴願奉瑤池駕千春侍德音

奉和送金城公主適西蕃應制

絳河從遠聘青海赴和親月作臨邊曉花為度隴春  
主歌悲顧鶴帝策重安人獨有瓊簫去

一作處

悠悠思錦輪

安樂公主移入新宅

星橋他日創仙榜此時開馬向鋪錢埽簫聞奏玉臺人  
疑衛叔美容似長卿才借問遊天使誰能取石回

奉和幸望春宮送朔方軍大總管張仁亶

地限驕南牧天臨餞北征解衣延寵命橫劍總威名豹  
略恭宸旨雄文動睿情坐觀膜拜入朝夕受降城

人日宴大明宮恩賜綵縷人勝應制

朱城待鳳韶年

一作華

至碧殿疏

一作蟠又作乘

龍淑氣來寶帳

金屏人已帖圖花學鳥勝初栽林香近接宜春苑山翠

遙添獻壽杯向夕憑高風景

一作日

麗天文垂耀象昭回

奉和春日幸望春宮應制

玉輦金輿天上來花園四望錦屏開輕絲半拂朱門

一作



成

柳細纈全披畫閣梅舞蝶飛

一作

行飄御席鶯歌度

曲繞仙杯聖詞今日光輝滿漢主秋風莫道才

奉和立春遊苑迎春

金輿翠輦迎嘉節御苑仙宮待獻春  
淑氣初銜梅色淺條風半拂柳牆新  
天杯慶壽齊南岳聖藻光輝動北辰  
稍覺披香歌吹近龍駟日暮下城闔

帝幸興慶池戲競渡應制

拂露金輿丹旆轉凌晨黼帳碧池開  
南山倒影從雲落

北澗搖光寫溜

一作

迴急漿

一作

爭標排荇度輕帆裁

浦觸荷來橫汾宴鎬歡無極歌舞年年聖壽杯

侍宴安樂公主莊庭制

平陽金榜鳳皇樓沁水銀河鸚鵡洲綵仗遙臨丹壑裏

仙輿暫幸綠亭幽前池錦石

一作幔

蓮花豔後嶺香鑪桂

蔡秋貴主稱觴萬年壽還輕漢武濟汾遊

侍宴安樂公主新宅應制

銀河半倚鳳皇臺玉酒相傳鸚鵡杯若見君平須借問

仙槎一去幾時來

餞唐永昌赴任東都

自尚書  
郎為令

聞道飛鳧向洛陽  
翩翩矯翮度文昌  
因聲寄意三花樹  
少室巖前幾過香

有田在少室  
不見十年矣

御定全唐詩卷七十

欽定四庫全書蒼要卷一萬七千四百七十六

集部

御定全唐詩卷七十一

劉憲

劉憲字元度宋州寧陵人弱冠擢進士第累遷左臺監察御史貶潁水令召為鳳閣舍人神龍初自吏部侍郎出刺渝州尋入為修文館學士歷太子詹事卒武后時勅吏部糊名考判求高才惟憲與王適司馬鎰梁載言入第二等集三十卷今編詩一卷

奉和聖製立春日侍宴內殿出剪綵花應制

上林宮館好

一作  
爽

春光

一作  
心

獨早知剪花疑始發刻燕

似新窺色濃輕雪點香淺嫩風吹此日叨陪侍恩榮得  
數枝

奉和人日清暉閣宴羣臣遇雪應制

輿輦乘人日登臨上鳳京風尋歌曲颺雪向舞行縈千

官隨興合萬福與時

一作  
春

并承恩長若此微賤幸昇平

奉和七夕宴兩儀殿應制

秋吹過雙闕星仙動二靈更深移月鏡河淺度雲輶殿

上呼

一作微

方朔人間失

一作識

武丁天文茲夜裏光映紫

微庭

奉和九月九日聖製登慈恩寺浮圖應制

飛

一作香

塔雲

一作層

霄半清晨羽旆遊

一作仙境遊

登臨憑

季月寥廓見中州御酒新寒退天文瑞景留

一作寶氣浮

辟

一作邠

邪將獻壽茲日奉千秋

閏九月九日幸總持寺登浮圖應制

重陽登閨序上界叶時巡駐輦天花落開筵妓樂陳城  
端刺柱見雲表露盤新臨睨光輝滿飛文動睿神

侍宴長寧公主東莊

公主林亭地清晨降玉輿畫橋飛渡水仙閣涌臨

一作  
交

虛晴新看蛺蝶夏早摘芙蓉文酒娛遊盛忻叨侍從餘  
奉和送金城公主入西蕃應制

外館踰河右行營指路岐和親悲遠嫁忍愛泣將離旌  
旆羗風引軒車漢月隨那堪馬上曲時向管中吹



奉和聖製登驪山高頂寓目應制

驪阜鎮皇都鑿遊眺八區原隰旌門裏風雲宸座隅直  
城如斗柄官樹似星榆從臣詞賦末濫得上天衢

奉和幸白鹿觀應制

玄遊乘落暉仙宇藹霏微石梁縈澗轉珠旆掃壇飛芝  
童薦膏液松鶴舞駉駉還似瑤池上歌成周馭歸

折楊柳

沙塞三河道金閨二月春碧煙楊柳色紅粉綺羅人露

葉憐啼臉風花思舞巾攀持君不見為聽曲中新

奉和立春日内出綵花樹應制

一作人日大明宮應制

禁苑韶年

一作華又作光

此日歸東郊道上轉青旂柳色梅芳

何處所風前雪裏覓芳菲開冰池內魚新

一作初

躍剪綵

花間燕始飛欲識王遊布陽氣為觀天藻競春暉

奉和春日幸望春宮應制

暮春春色最便妍苑裏花開列御筵商

一作南

山積翠臨

城起漣水浮光共幕連鶯藏嫩葉歌相喚蝶礙芳叢舞

不前歡娛節物今如此願奉宸遊億萬年

奉和幸安樂公主山莊應制

主家別墅帝城隈無勞海上覓蓬萊

一作嶂

懸流平

地起危樓曲閣半天開庭莎作薦舞行出浦樹相將

一作

障

歌棹回此日風光與形勝祇言作伴聖詞來

興慶池侍宴應制

蒼龍闕下天泉池軒駕來遊簫管吹綠堤夏篠縈不散  
冒水新荷卷復披帳殿疑從畫裏出樓船直在鏡中移

自然東海神仙處何用西崑轍迹疲

奉和幸大薦福寺應制

地靈傳景福天駕儼鉤陳佳哉藩邸舊赫矣梵宮新香  
塔魚山下禪堂雁水濱珠幡映白日鏡殿寫青春甚歡  
延故吏大覺拯生人幸承歌頌末長奉屬車塵

奉和幸三會寺應制

宥堯倉史臺敞朗紺園開戒旦壺人集

一作

翻霜羽翮

來下輦登三襲褰旒望九垓林披館陶跨水浸昆明灰

網戶飛花綴幡竿度鳥迴豫遊仙唱動瀟灑出塵埃

奉和幸長安故城未央宮應制

漢宮千祀外軒駕一來遊夷蕩長如此威靈不復留憑  
高睿賞發懷古聖情周寒向南山歛春過北渭浮土功  
昔云盛人英今所求幸聽熏風曲方知霸道羞

奉和幸禮部尚書竇希玠宅應制

一作陪幸  
五王宅

北斗樞機任西京肺腑親疇昔王門下今茲御一作幸

辰恩光山水被聖作管弦新遠坐熏紅藥當軒暗綠筠

摘荷纔早夏聽鳥尚餘春行漏今徒晚風煙起觀津

奉和聖製幸望春宮送朔方大總管張仁亶

命將擇者年圖功勝必全光輝萬乘餞威武二庭宣中  
衢橫鼓角曠野蔽旃旃推食天厨至投醪御酒傳涼風  
過雁苑殺氣下雞田分閭思何極臨歧動睿篇

奉和幸韋嗣立山莊侍宴應制

東山有謝安枉道降鳴鑾緹騎分初日霓旌度曉寒雲  
蹕巖間下虹橋澗底盤幽棲俄以屆聖矚宛餘歡

一作觀

崖懸飛溜直岸轉綠潭寬桂華堯酒泛松響舜琴彈  
明主恩斯極賢臣節更殫不才叨侍從詠德以濡翰

人日翫雪應制

勝日登臨雲葉起芳風搖蕩雪花飛呈

一作星

暉幸得承

金鏡颺彩

一作影

還將

一作持

奉玉衣

上巳日被袂渭濱應制

桃花欲落柳條長沙頭水上足風光此時御蹕來遊處  
願奉年年被袂觴

苑中遇雪應制

龍駮曉入望春宮正逢春雪舞東

一作香

風花光併灑

一作

在

天文上寒氣行

一作都

消御酒中

夜宴安樂公主新宅

層軒洞戶且新披度曲飛觴夜不疲綺綴玲瓏河色曉

一作繞

珠簾隱映月華窺

奉和聖製幸韋嗣立山莊

非吏非隱晉尚書一丘一壑降乘輿天藻綠情兩曜合



山巵獻壽萬年餘

饒唐永昌

始見郎官拜洛陽  
旋聞近侍發雕章  
緒言已勗期年政

綺字當

一作先

生滿路光

御定全唐詩卷七十一

欽定四庫全書薈要卷一萬七千四百七十七

其部

御定全唐詩卷七十二

高正臣

高正臣廣平人襄州刺史衛尉卿習右軍書法睿宗最  
愛其筆詩二首

晦日置酒林亭

是宴凡二十一人皆以華  
字為韻陳子昂為之序

正月符嘉節三春翫物華  
忘懷寄尊酒陶性狎山家  
柳翠含煙葉梅芳帶雪花  
光陰不相借

一作  
惜

遲遲落景斜

晦日重宴

是宴九人皆以池字為韻周彥暉為之序

芳辰重游衍乘景共追隨  
班荆陪舊識傾蓋得新知  
水葉分蓮沼風花落柳枝  
自符河朔趣寧羨高陽池

崔知賢

崔知賢高宗時人詩三首

晦日宴高氏林亭

上月河陽地芳辰景物

一作望

華縣蠻變時烏照曜起春

霞柳搖風處色梅散日前  
花淹留洛城晚歌吹石崇家

上元夜效小庾體

上元之遊凡六人皆以春  
字為韻長孫正隱為之序

今夜啓城闔結伴戲芳春  
鼓聲撩亂動風光觸處新月  
下多遊騎燈前饒看人  
歡樂無窮已歌舞達明晨

三月三日宴王明府山亭

得魚字 同賦六  
人孫慎行為之序

調露二年暮春三日同集於王令公之林亭申交  
契也夫尚平遠跡尋五藥於西山仲連高蹈讓千  
金於東海遺形却立終希獨善之資排患解紛未  
洽隨時之義豈若天地交泰朝野歡娛元巳迨辰

季陽司月列芳林而薦賞控清洛以開筵追李郭  
之佳遊嗣襄王之故事遠近送春日表裏壯皇居  
曾幹霞騫燭城陰於翠鷁浮梁霧絕寫川態於文  
虹樹密如鱗花繁似霰魚縱相忘之樂鶯遷求友  
之聲景物載華心神已至於是愜佳宴滌煩襟泐  
杯曲水折巾幽徑流波度曲自諧中散之弦舞蝶  
成行無忝季倫之伎而歲不我與人生若浮揮魯  
陽之戈奔曦可駐騁山公之騎餘興方適度志陳

詩式紀良會仍探一字六韻成章

京洛皇居芳禊春餘影媚元巳和風上除雲開翠帶水  
鶩鮮居林渚縈暎煙霞卷舒花飄粉蝶藻躍文魚沿波  
式宴其樂只且

席元明

席元明高宗時人詩一首

三月三日宴王明府山亭

得郊  
字

日惟上巳時亨有巢中尊引桂芳筵藉茅書僮索筆膳

夫行魚煙霏萬雉花明四郊沼蘋白帶山花紫苞同人  
聚飲千載神交

韓仲宣

韓仲宣高宗時人詩四首

晦日宴高氏林亭

欲知行有樂芳尊對物華地接安仁縣園是季倫家柳

處雲疑

一作疑

葉梅間雪似花日落歸途遠留興

一作與

伴

煙霞



晦日重宴

鳳苑先

一作光

吹晚

一作晚

龍樓夕照披陳遵已投轄山公

正坐

一作出

池落日催金奏飛霞送玉卮此時陪綺席不

醉欲何為

上元夜效小庾體

他鄉月夜

一作下

人相伴看燈輪光隨九華出影共百枝

新歌鐘盛北里車馬沸南鄰今宵何處好惟有洛城春

三月三日宴王明府山亭

得花字

河濱上巳洛汭春華碧池涵日翠擘澄霞溝垂細柳岸  
擁平沙歌鶯響樹舞蝶驚花雲浮寶馬水韻香車熟記  
行樂淹留景斜

周彥昭

周彥昭高宗時人詩一首

晦日宴高氏林亭

勝地臨雞浦高會偶龍沙御柳驚春色仙筇掩月華門  
邀千里馭杯泛九光霞日落山亭晚雷送七香車

高球

高球高宗時人詩二首

晦日宴高氏林亭

溫洛年光早皇州景望華  
連鑣尋上路乘興入山家  
輕苔網危石春水架平沙  
賞極林塘暮處處起煙霞

三月三日宴王明府山亭

得煙  
字

洛城春禊元巳芳年季倫園裏逸  
少亭前曲中舉白談  
際生玄陸離軒蓋淒清管  
弦萍疎波蕩柳弱風牽未淹

歡趣林溪夕煙

弓嗣初

弓嗣初登咸亨二年進士第一人詩二首

晦日宴高氏林亭

上序春暉麗中園物候華高才盛文雅逸興滿煙霞參

差金谷樹

一作  
榭

皎鏡碧塘沙蕭散林亭晚倒載欲還家

晦日重宴

年華藹芳隰春溜滿新池促賞依三友延歡寄一卮烏

聲隨管變花

一作柳

影逐風移行樂方無極淹留惜晚曦

高瑾

高瑾渤海人士廉之孫登咸亨元年進士第詩四首

三月三日宴王明府山亭

得哉字

暮春元巳春服初裁童冠八九于洛之隈河堤草變鞏  
樹花開逸人談發仙御舟來間闕黃鳥瀼瀼丹腮樂飲  
命席優哉悠哉

晦日宴高氏林亭

試入山亭望言是石崇家二月風光起三春桃李華鶯  
吟上喬木雁往息平沙相看會取醉寧知還路賒

晦日重宴

忽聞鶯響谷於此命相知正開彭澤酒來向高陽池柳  
葉風前弱梅花影處危賞洽林亭晚落照下參差

上元夜效小庾體

初年三五夜相知一兩人連鑣出巷口飛轂下池湄燈  
光恰似月人面併如春遨遊終未已相歡待日輪

王茂時

王茂時高宗時人詩一首

晦日宴高氏林亭

踐勝

一作勝踐

尋良會乘春翫物華  
還隨張放友來向石崇

家止水分巖鏡間

一作間

庭枕浦沙未極林  
泉賞參差落

照斜

徐皓

徐皓高宗時人詩一首

晦日宴高氏林亭

綺筵乘暇景瓊醕對年華門多金埒騎路引壁人車蘋  
早猶藏葉梅殘正落花藹藹林亭晚餘興促一作流霞

長孫正隱

長孫正隱高宗時人詩二首

晦日宴高氏林亭

晦晚屬煙霞遨遊重歲華歌鐘雖戚里林藪是山一作仙

家細雨猶開日深池不漲沙淹留迷處所巖岫幾重花



上元夜效小庾體同用春字

并序

夫執燭夜游古人之意豈不重光陰而好娛樂哉  
且星度如環晷纔周而已襲月華猶鏡魄哉生而  
遽圓忽兮遇春俄兮臨望重城之扉四闕車馬轟  
闐五劇之燈九華綺羅紛錯茲夕何夕而遨遊之  
多趣乎且九谷帝畿三川奧域交風均露上分朱  
鳥之躔沂洛背河下鎮蒼龍之闕多近臣之第宅  
即瞰銅街有貴戚之樓臺自連金穴美人競出錦

障如霞公子交馳凋鞍似月同遊洛浦疑尋稅馬  
之津爭渡河橋似向牽牛之渚寶昌年之樂事令  
節之佳遊者馬而戒曉嚴鐘俄喧綺陌分空落宿  
已半朱城蓋陳良夜之歡共發乘春之藻仍為庾  
體四韻成章同以春為韻

薄晚嘯遊人車馬亂驅塵月光三五夜燈燄一重春煙  
雲迷北闕簫管識南鄰洛城終不閉更出小平津

高紹

高紹考功郎中詩一首

晦日宴高氏林亭

嘯侶入山家  
臨春翫物華  
葛弦調綠水  
桂醕酌丹霞  
岸柳開新葉  
庭梅落早花  
興洽林亭晚  
方還倒載車

郎餘令

郎餘令定州新樂人博學知名兼善畫擢進士第授霍  
王元軌府參軍改著作佐郎詩一首

晦日宴高氏林亭

三春休晦節九谷泛年華半晴餘細雨全晚澹殘霞尊  
開疎竹葉管應落梅花興闌相顧起流水送香車

陳嘉言

陳嘉言武后時酷吏詩三首

晦日宴高氏林亭

公子申敬愛攜朋翫物華人是平陽客地即石崇家水  
文生舊浦風色滿新花日暮連歸騎長川照晚霞

晦日重宴

高門引

一作臨

冠蓋下客抱支離綺席珍羞滿文場翰藻

搗蕩華彫上月

一作葉

柳色藹春池日斜歸戚里連騎勒

金羈

上元夜效小庾體

今夜可憐春河橋多麗人寶馬金為絡香車玉作輪連

手窺

一作紫

潘掾分頭看洛神重城自不掩出向小平津

周彥暉

周彥暉登咸亨五年進士第詩二首

晦日宴高氏林亭

砌藁收晦魄津柳競年華既狎忘筌友方淹投轄車綺  
筵迴舞雪瓊醪泛流霞雲低上天晚絲雨

一作  
竹

帶風斜

晦日重宴

春華歸柳樹俯景落藁枝置驛銅街右開筵玉浦陞林  
煙含障密竹雨帶珠危興闌中倒戴山公下習池

高嶠

高嶠司門郎中詩二首

晦日宴高氏林亭

飛觀寫春望，開宴坐汀沙。積溜

一作水

含苔色，晴空蕩日

華歌入平陽。第舞對石崇家，莫慮能騎馬。投轄自停車。

晦日重宴

駕言尋鳳侶，乘歡俯雁池。班荆逢舊識，斟桂喜深知。紫  
蘭方出徑，黃鶯未嚙枝。別有陶春日，青天雲霧披。

劉友賢

劉友賢高宗時人詩一首

晦日宴高氏林亭

春來日漸賒琴酒逐年華欲向文通逕先遊武子家池

碧新流

一作泉

滿巖紅落照斜興闌情未盡

一作極

步步惜

風花

周思鈞

周思鈞貝州漳南人與兄北門學士思茂俱早知名武  
后時為太子文學貶揚州司倉參軍終中書舍人詩二

首



晦日宴高氏林亭

早春驚柳穉初晦掩藹華騎出平陽里筵開衛尉家竹  
影含雲密池紋帶雨斜重惜林亭晚上路滿煙霞

晦日重宴

綺筵乘晦景高宴下陽池濯雨梅香散含風柳色移輕  
塵依扇落流水入弦危勿顧林亭晚方歡雲霧披

御定全唐詩卷七十二

欽定四庫全書薈要卷一萬七千四百七十八

某部

御定全唐詩卷七十三

蘇頲

蘇頲字廷碩瓌之子幼敏悟一覽至千言輒覆誦擢進士第調烏程尉舉賢良方正歷監察御史神龍中遷給事中脩文館學士中書舍人明皇愛其文由工部侍郎進紫微侍郎知政事與李乂對掌書命帝曰前世李嶠蘇味道文擅當時號蘇李今朕得頲及乂何愧前人襲

父封爵號小許公後罷為益州長史復入知吏部選事  
卒謚文憲頌以文章顯與燕國公張說稱望畧等世稱  
燕許集三十卷今編詩二卷

祭汾陰樂章

壽和

禮物斯具樂章乃陳誰其作主皇考聖真對越在天聖  
明佐神宥然汾上厚澤如春

奉和聖製行次成臯途經先聖擒建德之所感  
而成詩應制

漢東不執象河朔方鬪龍夏滅漸寧亂唐興終奮庸皇  
威正赫赫兵氣何匈匈用武三川震歸淳六代醜成皋  
觀王業天下致人雍即此巡於岱曾孫受命封

奉和聖製登蒲州逍遙樓應制

在昔堯舜禹遺塵成典謨聖皇東巡狩况乃經此都樓  
觀紛迤邐河山幾縈紆緬懷祖宗業相繼文武圖尚  
特德既無險觀風諒有孚宜知汾水上簫鼓事遊娛

奉和聖製過晉陽宮應制

隋運與天絕生靈厭氛昏聖期在寧亂士馬興太原立

極萬邦推登庸四海尊慶膺神武帝業付皇曾孫緬慕

封唐道追惟歸沛魂詔

一作昭

書感先義典禮巡舊藩高

殿綵雲合春旗祥風翻率西見汾水奔北空

一作窺

塞垣

款曲童兒佐依遲故老言里頌慈惠賞家受復除恩下

輦崇三教

一作都又作觀

建碑當九門孝思敦

一作昭

至美億載

奉開元

奉和姚令公溫湯舊館永懷故人盧公之作

樹德宣孤邁降神良竝出偉茲廊廟楨

一作中

調彼鹽梅

寶正悅虞垂舉翻悲鄭僑卒同心不可忘交臂何為失

清路荷前幸明時稱右弼曾聯野外遊

一作迷

尚記帷中

密新慟情莫遣舊遊詞更述空令還辱和長歎

一作感知

音曰

和杜主簿春日有所思

朝上高樓上俯見洛陽陌搖蕩吹花風落英紛已積美人不共此芳好空所惜攬鏡塵網滋當窗苔蘚碧緬懷

在雲漢良願睽枕席翻似無見時如何久為客

餞郢州李使君

楚有章華臺遙遙雲夢澤復聞擁符傳及是收圖籍佳  
政在離人能聲寄侯伯離懷朔風起試望秋陰積中路  
悽以寒羣山靄將夕傷心聊把袂悵悵一作悵悵麒麟客

餞唐州高使君赴任

永日奏文一作對時東風搖蕩夕浩然思樂事翻復餞征

客淮水春流清楚山暮雲白勿言行路遠所貴專城伯



曉濟膠川南入密界

飲馬膠川上，傍膠南。越密林，逐飛鳥。遲雲去，晴山出。落

暉隱柝秋原

深秋作

被花實慘然，遊子寒風露。將蕭瑟

夜發三泉即事

暗發三泉山，窮秋聽駭屑。且林夜鳴雨，南望曉成雪。祇

詠北風涼，詎知南土熱。沙溪忽沸渭，石道乍明滅。宛若

銀磧橫，復如瑤臺結。指程賦

一作則

所戀遇虞不遑歇，重

纒濡莫解懸。旌凍猶揭下，奔泥棧楮上。觀雲梯設搏，頰

羸馬頓回眸，喘人跌憧憧。往復還心注，思逾切再再。  
年將病力困，衰怠竭天彭。信方隅地勢，誠斗絕忝曳尚書。  
履叨兼使臣，節京抵有歲。饒亭障無邊孽，歸秦丹墀左。  
騫能俟來哲。

小園納涼即事

煩暑避蒸鬱，居閒習高明。長風自遠來，層閣有餘清。  
散灑納涼氣，蕭條遺世情。奈何誇大隱，終日繫塵纓。

昆明池晏坐答王兵部珣三韻見示

畫舸疾如飛  
遙遙汎夕暉  
石鯨吹浪隱  
玉女步塵歸  
獨有銜恩處  
明珠在釣磯

奉和聖製春臺望應制

壯麗天之府  
神明王者宅  
大君乘飛龍  
登彼復懷昔  
闕朱光燄橫  
山翠微積河  
沂流作表縣  
聚開成陌  
卽舊在皇家  
維新具物華  
雲連所上居  
恒屬日更時  
中望不斜  
三月滄池搖  
積水萬年青  
樹綴新一作照驚花  
暴羸國此嘗  
圖霸業後  
仁先以詐東  
破諸侯西入  
秦咸陽北阪

南渭津詩書焚蕪散學士高閣奢踰嬌美人事徃覆輒  
經遠喻春還按蹕憑高賦戎觀愛力深惟省越厭陳方  
何足務清吹遙遙發帝臺宸文耿耿照天迴伯夷位事  
愚臣忝喜奏聲成鳳鳥來

長相思

君不見天津橋下東流水南望龍門北朝市楊柳青青  
宛地垂桃紅李白花參差花參差柳堪結此時憶君心

斷絕

蜀城哭台州樂安少府

遠遊躋劔閣長想屬天台萬里隔三載此邦余重來音  
容曠不覩夢寐殊悠哉邊郡饒藉藉晚庭正回回喜傳  
上都封因促傍吏開向悟海鹽客已而梁木摧變衣寢  
門外揮涕少城隈却記分明得猶持委曲猜師儒昔訓  
獎仲季時童孩服義題一作書篋邀歡汎酒杯暨令風  
雨散仍迫歲時迴其道惟正直其人信美偲白頭還作  
尉黃綬固非才可歎懸蛇疾先貽問鵬災故鄉閉窮壤

宿草生寒發零落九原去蹉跎四序催曩期冬贈橘今  
哭夏成梅執禮誰為贈居常不徇財北登嶼螺坂東望  
姑蘇臺天路本懸絕江波復一作空沂泗念孤心易斷追  
往恨艱哉不遂卿將伯孰云陳與雷吾衰亦如此夫子  
復何哀

立春日侍宴內出剪綵花應制

曉入宜春苑穠芳吐禁中剪刀因裂素妝粉為開紅彩  
異驚流雲香饒點便風裁成識天意萬物與花同

春日芙蓉園侍宴應制

御道紅

一作紅

旗出芳園翠輦遊  
繞花開水殿架竹起山樓  
荷葉輕薰幄魚龍出負舟  
寧知穆天子空賦白雲秋

奉和聖製人日清暉閣宴羣臣遇雪應制

樓觀空煙裏  
初年瑞雪過苑花  
齊玉樹池水作銀河  
七日祥圖啟  
千春御賞多  
輕飛傳綵勝  
天上奏薰歌

奉和七夕宴兩儀殿應制

靈媛乘秋發  
仙裝警夜催  
月光窺欲渡  
河色辨應來  
機

石天文寫鉞樓御賞開竊觀棲鳥至疑向鵲橋迴

奉和九日幸臨渭亭登高應制得時字

嘉會宜長日高筵順動時曉光雲外洗晴色雨餘滋降

鶴因韶德吹花入御詞願陪陽數節億萬九秋期

紀事作并

數登高日延齡命賞時宸遊天上轉秋物雨來滋降鶴  
承仙馭吹花入睿詞微臣復何幸長得奉恩私語多不  
同今並載之

遊禁苑幸臨渭亭遇雪應制

平明敞帝居霰雪下凌虛寫月含珠綴從風薄綺疏年



驚花絮早春夜管絃初已屬雲天外欣承霈澤餘

奉和送金城公主適西蕃應制

帝女出天津和戎轉鬪

一作綺

翰川經斷腸望地與析支

鄰奏曲風嘶馬銜悲月伴人旋知偃兵革長是漢家親

奉和聖製登驪山高頂寓目應制

仙蹕御層氛高高積翠分巖聲中谷應天語半空聞豐  
樹連黃葉函關入紫雲聖圖恢寓縣歌賦小

一作少

橫汾

幸白鹿觀應制

碧虛清吹下藹藹入仙宮松磴攀雲絕花源接澗空受  
符邀羽使傳訣註香童詎似閒居日徒聞有順風

題壽安王主簿池館

洛邑通馳道韓郊在屬城館將花雨映潭與竹聲清賢  
俊鸞棲棘賓遊馬佩衡願言隨狎鳥從此濯吾纓

扈從溫泉奉和姚令公喜雪

清道豐人望乘時漢主遊恩暉隨霰下慶澤與雲浮泉

暖驚銀積花寒愛

映一作

玉樓鼎臣今有問河伯且應留

秋社日崇讓園宴得新字

鳴爵三農稔勾龍百代神運昌叨輔弼時泰喜黎民樹  
缺池光近雲開日影新生全應有地長願樂交親

奉和魏僕射秋日還鄉有懷之作

南宮夙拜罷東道晝遊初飲餞傾冠蓋傳呼問里閭樹  
悲懸劔所溪想釣璜餘明發輝光至增榮一作喧聞駟馬車

武檐山寺

武檐獨蒼然墳山下玉泉驚靈

一作  
通

時共盡龍女事同

遷松栢銜哀處幡花種福田詎知留鏡石長與法輪圓  
餞潞州陸長史再守汾州

河尹政成期為汾昔所推不榮三入地還美再臨時擁

傳雲初合開鶯日正遲道傍一作傍人多出餞別有吏民思

餞荊州崔司馬

茂禮雕龍昔香名展驥初水連南海漲星拱北辰居稍  
發仙人履將題別駕輿明年徵拜入荆玉不藏諸

送吏部李侍郎東歸得歸字

陌上有光輝披雲向洛畿賞來榮扈從別至惜分飛泉  
溜含風急山煙帶日微茂曹今去矣人物喜東歸

送光祿姚卿還都

漢室有英台荀家寵俊一作多寵才九卿朝已入三子暮同

來不授綸為草還司鼎用梅兩京王者宅駟馬日應迴  
春晚送瑕丘田少府還任因寄洛中鏡上人

聞道還沂上因聲寄洛濱別時花欲盡歸處酒應春聚  
散同行客悲歡屬故人少年追樂地遙贈一霑巾

送賈起居奉使入洛取圖書因便拜覲

舊國才因地當朝史命官遺文微闕簡還思采芳蘭傳  
發關門候觴稱邑里歡早持京副入旋佇洛書刊

送常侍舒公歸覲

朝聞講藝餘晨省拜恩初訓胄尊庠序榮親耀里閭朱  
丹華轂送斑白綺筵舒江上春流滿還應薦躍魚

興州出行

危途曉未分驅馬傍江濱  
滴滴泣花露微微出岫雲  
松

梢半吐月蘿弱漸移臆旅客腸應斷吟猿更使聞

邊秋薄暮

一作  
出塞

海外秋鷹擊霜前旅雁歸邊風思鞞鼓落日慘旌麾浦  
暗漁舟入川長獵騎稀客悲逢薄暮况乃事戎機

曉發方騫驛

傳置遠山蹊龍鍾蹶澗泥片陰常作雨微照已生霓鬢  
髮愁氛換心情險路迷方知向蜀者偏識子規啼

經三泉路作

三月松作花春行日漸賒竹障

妨一作

山鳥路藤蔓

沒一作

野人家透石飛梁下尋雲絕磴斜  
此中誰與樂揮涕語  
年華

故高安大長公主挽詞

彤管承師訓青圭備禮容  
孟孫家代寵元女國朝封  
系軌題貞順閒規賦肅雍  
寧知落照盡霜吹入悲松

贈司徒豆盧府君挽詞

寵贈追胡廣親臨比賀循  
幾聞投劔客多會服總人草



閉墳將古松陰

一作深

地不春二陵猶可望存歿有忠臣

故右散騎常侍舒國公褚公挽詞

陽翟疏豐構臨平演慶源學筵尊授几儒服寵乘軒  
審諭留中密開陳與上言徂暉一不借空有賜東園

奉和初春幸太平公主南莊應制

主第山門起灞川宸遊風景入初年鳳皇樓下交天仗

烏鵲橋頭

一作邊

敞御筵往往花間逢綵石時時竹裏見

紅泉今朝扈蹕平陽館不羨乘槎雲漢邊

奉和春日幸望春宮應制

東望望春春可憐更逢晴日柳含煙宮中下見南山盡

城上平臨北斗懸細草徧承回輦處輕花微落奉觴前

一作飛花故

落舞筵前宸遊對此歡無極鳥哢聲聲入管絃

一作鳥哢

歌聲雜

管絃

人日重宴大明宮恩賜綵縷人勝應制

疏龍磴道切昭回建鳳旗門繞帝臺七葉仙蕖依

一作承

月吐千株御柳拂煙開初年競貼宜春勝長命先浮

一作

添

獻壽杯是日皇

一作  
最

靈知竊幸羣心就

一作  
能

捧大明

來

侍宴安樂公主山莊應制

駸駸羽騎歷城池帝女樓臺向晚披霧灑旌旗雲外出  
風回巖岫雨中移當軒半落天河水繞徑全低月樹枝  
簫鼓宸遊陪宴日和鳴雙鳳喜來儀

興慶池侍宴應制

降鶴池前回步輦棲鸞樹杪出行宮山光積翠遙疑逼

水態含青近若空

以上二句初云山光逼嶼疑無地水態迎帆若有風時為趙郡李又范陽

盧從愿所賞但未末句又押風字故易之

直視天河垂象外俯窺京室畫圖

中皇歡未使恩波極日暮樓船更起風

廣達樓下夜侍醑宴應制

東嶽封迴宴洛京西墉通晚會公卿樓臺絕勝宜春苑  
燈火還同不夜城正覩人間朝市樂忽聞天上管絃聲  
醑來萬舞羣臣醉喜戴千年聖主明

龍池樂章

唐享龍池樂章第七章

西京鳳郎躍龍泉佳氣休光鎮在天軒后霧閣今已得  
秦王水劍昔常傳恩魚不入一作似昆明釣瑞鶴長如太  
液仙願侍巡遊同舊里更聞簫鼓濟樓船

扈從鄆杜間奉呈刑部尚書舅崔黃門馬常侍

翠輦紅旗出帝京長楊鄆杜昔知名雲山一一看皆美

一作異竹樹蕭蕭一作畫不成羽騎將過持袂拂香車欲

度捲簾行漢家曾草巡遊賦何似今來應聖明

景龍觀送裴士曹

昔日嘗聞公主

相作

第今時變作列仙家池傍坐客穿

叢篠樹下遊人掃落花雨雪

一作雲雨

長疑向函谷山泉直

似到流沙君還洛邑分明記此處回來閱歲華

春晚紫微省直寄內

直省清華接建章向來無事日猶長花間燕子樓鳩鷓

竹下鷓鴣繞

一作宿

鳳皇內史通宵承紫誥中人落晚愛

紅妝別離不慣無窮憶莫誤卿卿學太常

贈彭州權別駕

雙流脈脈錦城開，追餞年年往復迴。  
祗道歌謠迎半刺，徒聞禮數揖中台。  
黃鶯急嘯春風盡，班馬長嘶落景催。  
莫愴分飛歧路別，還當奏最掖垣來。

寒食宴于中舍別駕兄弟宅

子推山上歌龍罷，定國門前結駟來。  
始覩元昆鏘玉至，旋聞季子佩刀迴。  
晴花處處因風起，御柳條條向日開。  
自有長筵歡不極，還將一作綵服詠南陔。

九月九日望蜀臺


蜀王望蜀舊臺前  
九日分明見一川  
北料鄉關方自此  
南辭城郭復依然  
青松繫馬攢巖畔  
黃菊留人藉道邊  
自昔登臨湮滅盡  
獨聞忠孝兩能傳



謹案卷七十二第五頁前六行宴王明府山亭刊  
本脫明字據前後詩題增

卷七十三第七頁前六行上奏薰歌刊本奏訛奉  
據別本改





總校官庶吉士 臣 張能照

校對官檢討 臣 龔大萬

膳錄監生 臣 南光普

財團  
佛  
陀  
教  
育  
之  
會  
釋  
淨  
空  
敬  
贈  
法  
人